

HISTORIA

MERCVRII

ET

MERCVRIALIVM
MEDICA.

LIBELLVS PRIMVS.

SCRIPT

ERNESTVS GODOFREDVS
BALDINGER,

SERENISS. PRINCIP. LANDGRAVII HASSO. CASSELLANI CONSIL. AVL. ET ARCHIATER PRIMARIUS, MEDIC. PRACT. PROF. ORD. ILLVSTRIS COLLEGII CAROLINI, NOSOCOMII CHARITATIS DIRECTOR, PHARMACOPOEAE AVLICAE INSPECTOR, MEDICVS ORDINARIVS COHORTIS PRAETORIANAE EQVITVM, NEC NON LEGIONIS PRAETORIANAE PRIMAE ET IYVENVM NOBILIVM, MILITIAM DISCENTIVM CAET.

GOETTINGAE,

apud IOH. CHRIST. DIETERICH.

1783.



GLASGOW
UNIVERSITY
LIBRARY:

VIRO

ERVDITIONE ET PROBITATE
EXIMIE CONSPICVO,

LAVRENTIO CRELL,

PROFESSORI MEDICINAE APVD
HELMSTADIENSES

CELEBERRIMO,

DE CHEMIA, MATERIA MEDICA PHAR-
MACIA, PRAXI MEDICA, OPTIME
MERITO,

AMICO VETERI,

D. D. D.

ERNESTVS GODODREDVS
BALDINGER.



LECTVRIS.

S.

Quae nuper seorsim prodierunt programmata academica, cum Göttingae adhuc viuerem, iunctim recusa exhibeo, vt amicorum, qui haec rogarunt, desiderio satisfacerem.

Restat libellus secundus, quem mox prodire iubeam. Enarrabit ille historiam praeparatorum mercurii, quotquot innotuerunt mihi, omnium, quorum vnquam in re medica aliqua fuit vtilitas.

Prodiit interim Cl. MACQVER liber absolutissimus, dictionarium chemicum, studio Cl. LEONHARDI doctis additamentis locupletatus et perpolitus, vt

quae adiici possint, videantur perpauca. Etenim in eo libro fere omnia dicta sunt, quae medico de mercurio eiusque prae-
paratis, scitu necessaria.

Tironum vero in gratiam Epitomen eius doctrinae absolueret decreui mecum, ut in tabula quasi perspiciant, quae huc pertinent, et ut cognoscant, quibus auctoribus, et quo tempore, praeparata, omnia mercurialia inuenta, et vñibus medicis commendata, quaeque horum fuerint fata progressu temporum. Iuvet enim memoriam rerum discendarum nil magis, artis historia ipsa, quam quis excolendam sibi elegit.

Libelli huius pars altera docebit, ex lectione nostra varia sparsim fuisse adii-
cienda suis locis, quae spectant contro-
versiam auctorum, de usu et applicati-
one

one mercurialium, quae doctrina ne uti-
quam occurrit, nec locum habet, in egrē-
gio libro cl. MACQVER, in quo chemica
solummodo et physica pertractavit vir eru-
ditissimus.

Licuit mihi, per quatuordecim an-
nos, non sine applausu materiam medi-
cam docenti, animadvertere, vix me-
moriam posse capi a tironibus ingentem
multitudinem eam mixtionum et rela-
tionum chemicarum praeparatarum, offi-
cinalium.

Eam itaque ob causam tabulas non-
nullas communicavi, in quibus haec
omnia, perspicue fatis exposita. Illarum
breuem conspectum propediem communi-
cabo in promptuario medicis destinato,
integrum vero opus illo tempore for-
tassis typis exscribi curabo. Ita de me-

liori lecturis me commendo, qui sedem
solummodo, non vero studii genus mu-
taui, quod a puero mihi placuit et ad
ultimum vitae halitum certe placebit.
scrib. CASSELLIS et 3. Ianuarii. 1783.

HISTORIA

MERCVRII ET MERCVRIALIVM MEDICA.

PARS I.

GOTTINGAE. D. 22 IVN. 1781.

Ruit nunc mole sua eruditio, non inepte quidem nuper dixit vir, ambitum vniuersae doctrinae satis bene perspiciens. Tantamenim et incredibili fere industria, tot virorum nostra aetate clarorum, augetur adeo quotannis eruditionis copia, ut vel diligentissimus, omni licet adhibito studio, vix queat perscrutari omnia ea, quae nuperrime forsan dicta et inventa sint, cum vix omnes libelli omnium in singulorum manus perveniant. Non mirum itaque, multa saepe effugere no-

titiam eorum, qui ex instituto epitomen doctrinae cuiusdam elaborare student. Veniam itaque facile dabo, sed et expecto simul, quodsi non omnia velim exhaustire, quae dicenda forent super hydrargyri historia medica, cuius epitomen tradere, atque in libello, mole paruo exponere, mecum decreui. Propria edoctus scio peritia, multa multis adhuc esse ignota, quae passim super variis ex hydrargyro conficiendis praeparatis annotata leguntur, ut, si non laudes, tamen gratias expectare queam, si horum omnium notitiam brevi ac succincta commentatione exhibeam.

Sum vero persuasus, neminem recte intelligere doctrinam, quam profitetur, nisi edoctus sit illius plenioris historiae, a primis inde temporibus, ad nostram usque aetatem, et singula eius doctrinae dogmata, suis inventoribus vindicare sciat. Sed ad ipsum argumentum meum me statim conuerto. Cum vero ab instituto meo nimis alienum foret, si ea omnia hic repetere vellem, quae
spec-

spectant hydrargyri nostri e terra eruti indolem, nialim euoluat ea de re quisque, recentiorum libellos, qui nunc in omnium manibus versantur. Paucos ex his non possum silentio prorsus praeterire. Ex Hydrargyri fodinis et mineris, nostro tempore celebriores sunt Idrienses atque Electoratus Palatini, quorum accuratiores descriptiones Virorum Cl. SCOPOLI *a)*, FERBERI *b)*, HACQVETI *c)*, nec non MVCHA *d)*, et COLINIE *e)*, non sine emolumento leguntur.

Cl.

a) de Hydrargyro Idriensi. recus. len. 1771. 8vo.

b) Beschreib. des Quecksilber = Bergwerks zu Idria. Berlin. 1774. 8.

c) de mineris hydrarg. Idriens. im B. 3. der Berlin. Naturf. Gesellsch.

d) vom Quecksilber = Bergwerk zu Idria. Wien. 1780. 8.

e) de Mineris hydrargyri et cinnabaris nativae in Palatinatu, Act. Acad. Palat, T, I. p. 505. et germ. in Prompt. Hamburg. nouo P. 21. De mercurio in uniuersum Cf. etiam Linne Mineralssystem von Gmelin Th. 3. S. 29.

GLASGOW

Cl. FERBER, viro in historia naturali et chemia versatissimo, inprimis debemus pleniorē relationem de vſitata hodie methodo hydrargyrum e mineris Idriensibus eliciendi. Immenſa eſt copia hydrargyri, quae quotannis variis in locis e mineris elicetur. Sic lego apud *Valmont de BOMARE* f): „On tire communément tous les ans des mines de Guanacavelica, pour un million de Livres, de viſ argent, qu' on transporte par terre a Lima, puis a Arica, et de-là à Potoſi.„ Idrienſes fodinae anno 1497 detectae, (quo tempore dira lues gallica latius ſerpere cepit, tertium in annum, poſtquam ex America in Europam delata), dedere Anno 1663 teſte *Valvaſor* apud BRUECKMANNVM g)

a)

f) Dict. univ. d'hiſt. nat. ed. noua. T. IV. Paris. 1775. 4to p. 123. In hoc libro manca admodum inuenitur hydrargyri hiſtoria, et nimis breuiter pertractata.

g) Magnal. Dei oder Beſchreib. aller Bergwerke u. ſ. w. Th. I. Braunſchw. 1727. fol. p. 66.

a) Mercurii vulgaris 244, 119. ℥ .

b) Mercurii virginei 11, 762. ℥ .

Summa 255, 881. ℥ . g*)

Anno vero Seculi huius 52 lego Idriae 300, 000 ℥ ponderis civilis immo ultra, a metallicolis fuisse effossas h). Tot usibus enim cum hydrargyrum inseruiat, non medicis solum, sed oeconomicis etiam, ex fodinis Idriensibus in posterum quotannis colligi debent hydrargyri 2, 500 centenarii i) lege promulgata, Occurrit autem *mercurius virgineus*

g*) a) Mercurii virgin. 26, 668 ℥

b) — commun. 667. 666

Summa 694, 334 ℥

ex iisdem fodinis collectae fuere
Anno 1661. teste *Bechero* in *Physf.*
subterr.

h) *Wabst, Chr. Xav.* Tentamen de Hydrargyro, P. I. Vindob. 1754. 4to. p 20. Is liber paucis notus est. Multa continet bona, sed mala etiam mixta bonis. Pars altera prodiit nunquam.

i) v. III. *Schloezeri* commercii epistolaris; argumenti potissimum statistici et historici. Fascic. 34. p. 258.

neus, qui ignem nondum expertus est, forma fluida haustus e fodinis, et mercurius e mineris suis variis igne liquatus, in fornace cuius descriptionem et delineationem debemus Cl. *Ferbero* iam supra laudato. Cinnabarim nativam a mineris hydrargyri vulgaribus sola sulphuris admixtione diversam esse, atque ex cinnabari hydrargyrum elici posse, immo ex hydrargyro atque sulphure per sublimationem cinnabarim confici posse, notissima res est. De varia encheirési autem et regulis observandis in confectione cinnabaris, suo dicam loco.

Aurum et Plantinam del Pinto, si exceperis, gravitate hydrargyrum reliqua singula metalla superat. Non eadem vero gravitas hydrargyro in diversis locis collecto et eliquato competit, nam haec multum differt, si in diverso loco natali collectus, aut minus bene purgatus fuerit mercurius, ut suo tempore iamiam M V S C H E N B R O E C K ^k) tabulam ponder-

^k) Introduct. ad Philosoph. nat. T. II. L. B. 1762. 4. p. 539. et ib. Cinnabaris p. 540.

ris eius diuersi dederit lectu dignam. De Hydrargyri pondere apud Valmont de BOMARE l) seq. lego: „Un pied cube de mercure, pese neuf cents soixante et dixsept livres.”

Crediderunt olim Alchymici, mercurium esse principium metallorum, et arte singulari ex quouis metallo mercurium elici posse. Sed doctis argumentis iam suo tempore GUERN. ROLFING commentum istud refutauit m), nuper vero istud metallorum principium negarunt Viri Cl. WIEGLEB n) et GMELINO) rerum chymicarum sagacissimi iudices. Calor ignis, qui nondum aquam ebullire facit, hydrargyrum in vapores mutat, et aufugere in totum

l) l. c. p. 122.

m) v. Ei. libellus: Non-Ens chymicum, Mercurius metallor. et mineralium. Ienae. 1670. 4to.

n) in Annot. ad VOGELII Chym. §. 95.

o) in Chymia 1780. 8vo. §. 55. p. 65. Non prorsus tamen negat b. ERXLEBEN elici posse ex metallis hydrargyrum; idque *productum* non *eductum* esse contendit. Chym. §. 814. Nullo autem experimento sententiam suam corroborauit.

totum cogit. Mirum itaque non est, aliquot homines incidisse in Ptyalismum, cum in hypocausto viuerent, cuius fornaci calefactio vas impositum, continens mercurii libras viginti, etsi calor fornacis non superaret gradum caloris 18 therin. REAUMURIANI *p*). Per distillationis modum e mineris suis hydrargyrum ignis ope expellitur, vaporum forma *q*) Mercurius ipse varia forma C. H. applicatus, ceu vapor inuisibilis iterum per cutim exhalat, et tum ea metalla, quae homo secum gerit, vel quae in vicinia sunt, nigredine obfuscant, immo efficere solet, ut in aliis hominibus, qui non assumere mercurium, a solis illis vaporibus ptyalismus oriatur. Hydrargyri mineras, qui effodiunt metallicolae, non vnam ob rationem periculosissimo corripuntur ptyalismo, aliaque grauissima experiuntur symptomata, quae optime nuper descrip-

p) Mem. de l'Acad. de Berlin. Ann. 1778. p. 9. teste Cl. ACHARD.

q) WABST l. c. p. 21. sp. et BAYMÉ *erl. Exper. Chimie Th. 3. S. 444.*

scripsit Cl. SCOPOLI. Manibus enim tractant mineras, et pars aliqua per cutim resorbetur, aliqua pars autem ore excipitur, quae deglutita nocet, et mercurius denique ipse in vapores resolutus per ignem, resorbetur utroque modo. Suffimigia arte adhibita, et olim usitata, non solum excitant ptyalismum, sed et varia symptomata periculosa, nec non morbos nervorum, ut pauci hodie supersint, qui velint per suffitus sanare luem, etsi nonnunquam inter topica auxilia suffitus mercurialis tuto adhiberi possit, et cum euphoria summa aegroti.

De venenatis mercurii effectibus in metallicolarum corpora et sanitatem, suo iam tempore scripsit *Bernh. IVSSIEV r)* Metallicolae enim, qui vestes non saepius mutare possunt, intra breue temporis spatium pereunt. Mira res est profecto, metallicolas Idrienses tanta verinium multitudine, quae fere fidem su-

r) Mem. de l'Ac. des Sc. de Par. A. 1719.

superat, aegrotare, cum tamen mercurius sit anthelminticorum princeps, et ipsa *Plenckii* solutio gummosa in vermibus expellendis mihi saepius satisfecerit.

Vt vero leni calore in vapores resolvitur mercurius, sic e contrario a frigore densatur, immo in solidum corpus coit. BOERHAAVII tempore istud mirabile phaenomenon adhuc erat ignotum, etsi non ignoraret vir summus artem, quae docet frigoris gradum mirum in modum augere. Varia illa caloris et frigoris phaenomena in Elem. chym. exponens s) tandem ait: „*Spectamus mercurium, adeo densari, ut adhuc fere contrahatur ad $\frac{1}{269}$ suae molis. Scimus mirabile hoc corpus, tanto in frigore, tanta in densitate, manere, aequè fluidum, quam ante, aequè mobile, aequè expansile.*„ Paulo post addit: „*Scimus, per experimenta edocti, videmusque accedere, ita sensim per frigus ad pondus auri proprium, mercurium.*„ Vaticinatus est vero simul, per

s) recus. Lips. 1732. 8vo. T. I. p. 148.

per alias vires posse aliquando augeri pondus eius ect.

Primum a frigore artificiali hydrargyrum congelatum videre *Petropoli* BRAVNIVS atque GRISCHOVIVS mense Dec. A. 1759, ille paulo post coram Soc. Petrop. observationes suas praelegit, et deinceps publici iuris fecit t). Sed deinde Cl. PALLAS die 6 Dec. in Sibiria a frigore summo naturali hydrargyrum vidit perfecte congelatum u).

B 2

De

t) in libello: de admirando frigore, quo mercurius est congelatus. Petrop 1760 4to et in nov. Comm. Petrop. T. XI. p. 268. Exst. germ. im neuen Hamb. Mag. B. 4. p. 370-72, nec non in Cl. TITII neuen gesellsch. Erzählungen, Leipz. 1762. 8. p. 4. p. 241. et 267. sp. Eiusdem phaenomeni mentio fit in NIC. DE HIMSEL, of artificial Cold produced at Petersburg in Phil. Transact. Vol. LI. P. II. Ann. 1760. nec non in b. ERXLEBEN Naturh. §. 464.

Sed bene monet BAYME, non constare certo satis, quo gradu frigoris vere contigerit congelatio mercurii Chym. Th. 2. p. 441.

u) v. Ei. Reisen. B. III. S. 417. et in Epitome Frft. P. III. p. 324. nec non Berl. Samml. B. VI. p. 266.

De hydrargyro per frigus artificiale in corpus perfecte solidum mutando egit etiam ex instituto THOMAS HUTCHAM x), Adeo vero condensatum fuit, vt malleo obediret, et plumbi instar sonum obtulit ederet.

Quem denique fugiunt experimenta illa, quae Cl. BLUMENBACH hic Gottingae instituit y) die 4 Ian. 1774, qui frigore artificiali hydrargyrum in corpus solidum coëgit.

Non vero summum gradum frigoris semper requiri, vt mercurius mutetur in solidum corpus, sed beneficio frigoris mitioris mercurium prius in vapores resolutum facillime condensari III. BUFFON z) affirmat. Roterodami deinde d. 28. Ian. 1776. Cl. BICKER, et nuperrime de ELTERLEIN d. 4. Ian. 1780. per frigus artificiale mercurium etiam congelatum viderunt, teste Cl. BLUMENBACH a).

Hy-

x) in Philos. Transact. P. I. Vol. LXVI.

y) v. Götting. Anz. 1774. St. 13. nec non ex iisdem Berl. Samml. B. IX. p. 132.

z) in Hist. Nat. Suppl. T. I. v. Götting. Anz. 1775. p. 141. —

a) v. Ei. Naturhist. B. 2. p. 537.

Hydrargyrum, semimetallis adnumerarunt omnes olim. Quum vero per frigus 568° therm. Fahrenh. in corpus perfecte solidum malleabile mutetur, non dubitavit b. ERXLEBEN, praematura morte nobis ereptus, metallis ipsis adnumerare hydrargyrum b). Pluribus argumentis grauissimis iam ante b. ERXLEBEN, Cl. WIEGLEB, vir acutissimi ingenii, et ad augendam omnino natus chymiam, eandem sententiam affirmavit c).

b) Chymie §. 495.

c) in Annot. ad §. 30. Chym. b. VOGELII.

HISTORIA MERCVRII ET MER- CVRIALIVM MEDICA.

PARS II.

GOTTINGAE. D. 28 FEBR. 1781.

Superfunt phaenomena nonnulla mercurii recensenda, quae quidem physica vulgo vocantur, at nihilo minus a medico etiam illorum cognitionem non esse negligendam, quis hodie dubitat, cum πολυπράγμοσύνη nostra aetate inprimis commendet medicum.

Et primo quidem mercurii motus in tubo TORRICELLIANO mirifice olim eruditorum exercuit ingenia, nataeque inde controversiae, quae vix omnibus ac singulis hodie notae. Princeps agitata inter GVNTH. CHPH. SCHELHAMER et BERNARD. RAMAZZI-

NVM-

NVM a). Iam quidem illius causam ignorat nemo, et studium illud physicorum, barometri ope tempestatum vicissitudines accuratius determinandi, effecit, ut longe accuratius HIPPOCRATE ipso HUXHAMVS, alii-que eximii medici recentiorum temporum, aëris epidemicas constitutiones, morbosque inde oriundos, horumque vicissitudines definire potuerint, sic quidem, ut vix quidquam his adijci posse videatur. Laetamur nunc merito, non adeo abstrusam esse hodie quam olim, doctrinam morborum epidemicorum, nec non endemiorum, etsi nondum ex omni parte horum indoles nobis cognita atque perspecta. Anno 1675 PICARDVS, Acad. Parisinae Soc. in tubo TORRICELLIANO inclusum mercurium, et in loco obscuro motum, phosphori instar lucem spargere, primus vidit b).

B 4

Istud

a) Exst. liber SCHELHAMERI de motu mercurii in tubo TORRICELLI et de eod. arg. RAMAZZINI Kilon. 1699. 8.

b) V. IO. FRID. WEIDLER diff. de Phosphori mercurialis historia, phaenomenis,
pa-

Istud phaenomenon accuratiori nuper examini subiecit Cl. ACHARD c) et varia tentamina instituit circa frictionem mercurii cum variis corporibus, inprimis vero resinosi, ad illustrandam quaestionem, num lux moti mercurii, ab electricitate vitri oriatur, quam sententiam verosimilem censet vir eruditissimus.

Sed recensenda nunc veniunt phaenomena illa varia mercurii triti cum variis corporibus, ex quo quidem connubio nascuntur nunc *amalgamata* sic dicta, nunc vero *Aethiopis* permultae species. Amalgama vulgo audit mercurii cum metallo mixtio, triturationis ope.

Docuit vero experientia, artium magistra, cum aliis metallis facillime coire mercurium, difficilius cum aliis, et cum aliis denique
vix

parandi modis etc. Vitemb. 1715. r. CHR. EBERLIN Alio titulo statim hanc dist. promulgavit WEIDLERVS, nempe Exerc. de Phosphoro mercuriali.

c) chym. phys. Schriften. Berlin 1780. 8. p. 205. seqq.

vix nisi ope tertii cuiusdam corporis admiscendi, cum quo et mercurius illudque corpus, quod per se non vniri patitur cum mercurio, affinitatem quandam habet, in qua definienda hodie vniuersa fore chemia occupata est.

Coit mercurius cum Bismutho, stanno, plumbo, cum Bisinutho facillime, et huius beneficio magna copia stanni et plumbi cum mercurio sese misceri patitur.

Non raro etiam mercurius in mercatorum tabernis venalis, praeter stannum vel plumbum simul cum bismutho mixtus fraude reperitur.

Amalgamata haec iam olim studio explorarunt viri doctissimi BORRICHIVS *d)* HANNEMANNVS *e)* et nuper MALOVIN *f)*.

B. S. Dif.

d) sur les parties salines, contenues dans le mercure le mieux depuré, et diversités des amalgames. Mém. de Par. T. 6.

e) de trituratione mercurii cum lapide haematite. ib. T. 6.

f) de vnione mercurii cum antimonio, stanno, plumbo. Mem. de Par. 1740.

Difficillime omnium vero cum marte mercurius iungi se patitur. Dicam vero infra suo loco, quibus artificiis, quaque arte et mercurius cum marte possit uniri.

Quodsi vero mercurius fraude aliis metallis mixtus, fieri non potest, quin eius qualitas mutetur.

Etenim a plumbo vel stanno admixto, globulorum mercurii maior ut fiat cohaesio, necesse est, hinc non adeo celerrime diffluit et in minores globulos non adeo facile dissilire solet, quam mercurius purissimus. Simul etiam in mercurii superficie cuticula apparet, et his notis vulgo quidem cognoscitur, mercurium non esse purum.

Ufibus vero medicis et chemicis cum non nisi purissimus adhiberi queat, varias enchei- reses excogitarunt, quibus mercurium ab admixtis metallis liberare tentarunt, non optimo semper euentu.

Etc.

Etenim iusserunt alii, mercurium fraude aliis metallis mixtum per corium exprimere, ut nempe metalla peregrina in corio remaneant, et solus mercurius per corium transeat. Sed monendum est, hanc mercurii purgandi methodum vix sufficere.

Parcior enim plumbi vel stanni copia, mercurio admixta, solummodo in corio remanet, si vero maior, tunc omnino haud exigua eius portio simul per corium transit, nec hac ratione purus mercurius obtinetur.

Metallum peregrinum prodit etiam mercurii in crucibulo candente evaporatio. Remanet enim calcis forma alienum metallum, et solus mercurius aufugit.

Alia dein mercurium purgandi methodus excogitata fuit, scilicet eius lotio cum aceto concentrato, aut bonae notae. Soluit enim acetum plumbum, et sapor aceti dulcis plumbum declarat, sed cum acetum vix omne plumbum

bum solvere possit, hinc portio insignis non soluta remaneat, nec haec methodus laudes meretur.

Tertia itaque methodus per modum destillationis prioribus illis substitui cepit. Quae vulgo quidem artis vocabulo *reuificatio* mercurii audit.

Etenim amalgamata varia mercurii et compositiones eius destillationi subiiciuntur.

Iubent alii Amalgama ex stanno et mercurio, vel ex bismutho et mercurio destillationi subiicere, alii vero eum in finem cinabarin aut aethiopem mineralem miscent siue cum marte, ioue, terra calcarea, calce viua, vel sale tartari, et ex retorta vitrea instituere solent destillationem. Vas recipiens aqua repletum sit, necesse est, ut condensare possint sese vapores. Hac ratione nimirum sulphur remanet et cum admixtis corporibus sese iungit, mercurius autem ascendit et in recipiente colligitur. Sulphuris enim affinitas

tas cum illis corporibus longe maior est, quam cum mercurio, hinc separatio eius contingit. Sed monendum est, Cl. WEIGEL per experimenta fide dignissima docuisse, non tuto satis depurari mercurium per varia corpora metallica g) et metalli quidquam simul ascendere. Simplicem distillationem mercurii proposuit DOSSIE h), et omnem lotionem eius cum aqua et aceto superfluum declaravit.

Aethiops mineralis per triturationem ex mercurio et sulphure paratur, et cum antimonium additur, *aethiops ille antimoniat* Huxhami nascitur, de quibus suo loco prolixiori sermone dicam.

Mercurius per se sola trituratione in pulverem et aethiopis speciem conuertere solet, et hunc pilulas ingredi KEYSER, notum est.

Cum

g) v. Chym. Beob. p. 23. et Chem. B. 2. §. 1077.

Ex mercurio sublimato corrosiuo etiam resuscitatio eius per additamenta obtinetur, quae acidum salis absorbent.

h) the Laboratory laid open etc. p. 208. et 209.

Cum saccharo tritus, dat *mercurium saccharatum* Edinb., cum resina, v. c. Guaiaci, dat *Pil. Merc.* et *Aethiop.* cum balsamo vel terebinthina surgunt pilulae, vnguenta, iam dudum in officinis receptae compositiones. Mercurium cum absorbente quodam tritum; angli appellant *mercurium alcalisatum*.

Etiam cum melle subigitur, pro pilulis conficiendis. Huc etiam pertinet *PLENCKII* methodus, qui iubet mercurium cum gummi arabico vel pilularum vel liquoris forma propinare. Cum manna *KEYSERVS* et angli mercurium eiusque praeparata unire iubent.

Digestionem mercurii cum oleo oliuarum instituit olim *HOMBERG* i) sed vix vsibus medicis commendatum fuit istud connubium.

Veterinariis autem in vsu est linimentum ex mercurio et oleo baccarum lauri, contra scabiem et pediculos vaccarum.

Venio nunc ad aquae bullientis efficaciam in mercurium. Res nota est, non mutari
mer-

i) Mem. de l'Ac. de Sc. de Par. A. 1709.
Contin. 1713.

mercurium si cum aqua coquitur, hanc vero vim anthelminticam nancisci. Nuperis experimentis Cl. VICAT *k)* aquae huius mercurialis contra lumbricos efficaciam denuo confirmavit. Vermes rotundos et ascarides necat, et tam viuos, quam mortuos expellit. Cum lacte simul propinatur. Alii vero vna cum decocto rad. graminis simul coquere iubent mercurium viuum, vt decoctum magis efficax fiat. Potest et mel addi.

Non minui solet mercurii grauitas coctione cum aqua, nec ulla in eo mutatio obseruatur.

Extrahi principium quoddam volatile alii volunt *l)* alii credunt, hanc vim anthelminticam deberi plumbo, mercurio admixto *m)*.

Sed notari meretur cum mercurio, purissimo et probe purgato, omnino decoctum aequae

k) in delectu obs.

l) BAYME, Exp. Chym. Th. 2. p. 440.

m) Cl. Gmelin, Chym. §. 148.

que efficax parari, et permulta alia praeparata ex mercurio vermes quoque expellere.

Vt verum itaque fatear, nondum definire audeo, quae sit ratio virtutis illius anthelminticae aquae mercurialis.

Non solum autem contra Vermes mercurium solebant coquere medici, sed et contra luem ipsam gallicam, aliosque morbos chronicos rebelles, olim magis quam hodie in usu erant decocta lignorum et radicum cum mercurio et interdum antimonio simul parata. Formulas nonnullas KLEINIVS nobiscum iterum communicat n) nec opus est anxie formulas illas quærere, nam multae in multorum libris occurrunt, quos singulos nominare meum nunc non videtur officium.

Princeps eius generis decoctum est ZWELFFERI istud, quod et KLEINIVS l. c. recensuit. Continet cum lignum, tum corticem. Guaiaci, lignum sassafras, pimpinellae radicem,
et

n) in selectu rat. form.

et absque mercurio iamiam efficax reme-
dii genus est. Scio tamen, frequenter b.
WERLHOFIVM praescripisse, nec dubito
iis in morbis laudes mereri, quibus meden-
dis nuperi resinam Guaiaci commendarunt.

Solo igne, vase clauso, per longum tem-
pus chemicos mercurium tractasse, notum est.

Eminent summi BOERHAAVII tenta-
mina, qui spatio quindecim annorum et vl-
tra, mercurium ignis imperio subiecit, et ni-
hilominus mercurium non mutatum inue-
nit. Mercurius enim ille, qui per se *prae-
cipitatus* appellatur, aut trituratione sola, aut
destillatione simplici denuo vivus renascitur o).

Phlogisti tamen quidquam amittit, sed
via sicca, solo adhibito igne, sine alio addi-
tamento, et humida via, per acidum salis,
aquam fortem etc. resuscitur.

Re-

o) BOERHAAVE Exp. de mercurio, Trans-
act. Lond. A. 1733. N. 430. inserta. Se-
orsum forma libelli. Frft. et Lips. 1736. 4t.

Recensui hactenus dotes generales mercurii eiusque praeparata simplicissima, cum nempe per varia corpora sola trituratione parum mutatur.

Antequam itaque ad ea praeparata progrediar, quae sistunt calces mercurii, aut mercurium inagis mutatum, dicam prius de usu mercurii crudi ad varios morbos sanandos.

Veteres mercurium viuum venenis adnumerarunt, hinc ab eius usu medico prorsus abstinerunt. Sufficit nominasse DIOSCORIDEM et PAVLVM ex insula Aegina natum, nec non PLINIVM. DIOSCORIDES ait L. V. Cap. 110. Mercurium potum habere vim perniciosam, nam suo pondere interna perrodere.

Et hanc quidem sententiam verissimam credidere medici omnes usque ad Arabum tempora, qui primum forma vnguenti sed parcius contra cutis morbos varios adhibuerunt.

GALENVS tamen fatetur, sibi ipsi per experimentum proprium venenatam mercurii qualitatem non constare. Sciuit iamiam AVICENNA, mercurium viuum per anum iterum expelli. Sed memini me legisse ante aliquot annos in disputatione Teutoburgi habita, Cl. LEIDENFROST observasse, mercurium contra ileum olim potum, post annos tres per aluum denuo fuisse iterum excretum, ideoque tam diu in colo vt videtur, remansisse. Cibum crudum seriori tempore per aluum interdum expelli, fide observationum constat, hinc dictam observationem de mercurio post adeo longum temporis intervallum excreto ego in dubium vocare nolim.

Fortassis iners credidere veteres medicamentum, quod per aluum iterum expelli viderent.

Vapores certe mercurii noxii, et metallicorum, nec non artificum morbi a mer-

curio obseruati, suspicionem iustam dedere, esse venenum p).

Et certe tristes effectus ptyalismi a mercurio, larga copia inprimis ingesti, mercurium nondum ab omni effectu venenato liberant, etsi proprie venenum non sit.

Mercurius forma suffinigii, non caute satis adhibitus, praeparata eius varia salina, et peruersa mercurialium applicatio, saepius acque nocuere ac venenum acutissimum.

BRASSAVOLVS et MVSITANVS contra vermes dosi minori cad. gr. sc. ij. jv infantibus dederunt.

Con-

p) De morbis Hydrargyri fossorum Idriensium accuratè satis scripsit Reyßler in s. Reisen, Hannover 1751. ed. nov. 4t. p. 1199.

Idem quoque prolixè et accuratè descripsit de fodinis ipsis Idriensibus, Hispanicis, et Mexicanis, ex quibus colligitur hydrargyrus, quod iam supra indicare debuissim. Sed rerum dicendarum copia effecit, ut non nominauerim librum, quem coram habeo, legi saepius, et cuius fidem in dubium vocat nemo.

Contra TAENIAM hodie amalgama ex mercurio et stanno in usu est. SPLECKII solutionem gummosam contra Vermes merito laudavit Cl. HARTMANN, Prof. Frft. ad Viadr. Alii laudant hunc in finem Decoctum Spigelliae Anthelm. aut sem. fant. cum mercurio. Loco aquae potest SPLECKII liquor parari ope decocti ex Cortice Peruviano.

In epilepsia, quae a vermibus orta, laudavit olim b. HEISTERVS electuarium quoddam ex mercurio viuo, cortice peruviano, Syrupo et conferua Fumariae q).

Sed monendum est vix posse exacte satis haec omnia misceri, et in memoriam iterum reuocanda erit observatio illa Cl. SCOPOLI hydrargyri fossiores Idrienses incredibili vermium copia laborare, etsi ptyalismus in his simul adsit.

Ex solo fere pondere agere mercurium in ileo notissima res est, hinc maiori copia

BA q) Occurrit quoque apud KLEIN. l. c. p. 55.

ingurgitare nonnulli suasere. ³ Feces expulisse
et in ileo a fecibus induratis mirifice profu-
isse, testantur ZWINGER, Mem. de l'Ac. de
Paris T. L. EBVCHNER, RAV; Nov. Act.
N. C. T. III.

Laudat quoque in hoc morbo b. ANT.
DE HAEN.

Sed experimentum saepe fallax est, nec
in omni casu locum inuenit.

Non medetur enim spasmo, et nocebit
praesente iamiam vehementiori inflammatione,
ubi gangraena iam imminet, et intestina fere
emortua.

Fortassis solutio mercurii gummosa cum
oleo lini simul mixta, quod GALLESKY
laudibus extulit, vtilissimum praeberet me-
dicamentum.

Mercurium pondere suo vermes expellere
SPIELMANNVS ait in mat. med.

Ad

Ad partum pellendum olim adhibuerunt mercurium parua^o dosi, sed MATTHIOLVS expertus est, integram mercurii libram non potuisse abortum efficere.

Nolim tamen prorsus indubium vocare mercurii effectus in nexu soluendo vterum inter et placentam, maxime cum constet effectus mercurii in ossibus stagnantis.

Amuleti forma contra pediculos adhibetur mercurius, et lactis secretionem impedire ait DEGNER in Act. N. c. Vol. V. Obs. 149.

De usu interno mercurii viui nuper egit GALAND T. I. Mem. de l'Ac. de Sc. de Paris.

Ad calculum renum et vesicae dissoluerendum mercurium viuum commendat MEAD.

ROSENSTEINVS in ed. 3. p. 681. libri de morb. infantum, Swietenii formulam vnacum PLENCKII vnitam, ex mente Cl. BIERCHEN communicauit.

In pharmacopoea Edinburgensi pilularum mercurialium sequens occurrit formula R_x

Merc. ʒvj. ſapon. alb. Hiſp. Reſin. Guaiac.
ana. ʒß tere in mortario et admiſce ſulph.
antim. aurat. ʒß. Syr. comm. q. ſ.

Eſi vero mercurius noſtra ætate medicina
polychreſta, tamen uſum eius interdixit LAVR.
CAIET. FABBRI r). In angliã tanquam med.
polychreſtam multi ad viciã vnam ſume-
bant quotidie mercurium, abſque vlla ſenſi-
bili excretionẽ s).

Sed Frid. HOFFMANNVS iãniã ab
uſu interno mercurii peſſima vidit damna,
ſcil. tremorem artuum et impotentiam pe-
dum t) et Cl. ADOLPHVS MURRAY in
diſſ. de cõra luis gallicæ narrat, hodie ad-
huc in Italia uſum mercurii prorfus inter-
dictum eſſe.

r) dell uſo del mercurio, ſempre temera-
ria in medicina. Colon. 1749 et app. al.
Tr. dell uſo etc. in giſtificatione. Luc-
cæ 1781.

s) Edinb. Verſ. Th. 3.

t) Med. Rat. Syſt. Sect. IV. P. 2.

HISTORIA MERCVRII ET MER- CVRIALIVM MEDICA.

PARS III.

GOTTINGAE D. III 8 MARTII. 1781.

Recensui nuper pharmaca mercurialia, simplicissima, quae sola fere mixtione et trituratione obtinentur. Iam vero recensenda veniunt seorsim *sulphureo-mercurialia*, illa, *Aethiops* scil. *vulgaris*, *antimonialis* et variae *cinnabaris* species. Notatu autem dignum est, cinnabarim factitiam per aliquot saecula iamiam medicis in vsu fuisse, antequam aethiopem vulgarem in medicamentorum numerum reciperent. Arabis iamiam fuisse notam cinnabarim factitiam, nullum est dubium a).

C 5

a) v. Ill. SPIELMANNI Inst. Chem. ed. alt. Arg. 1766. p. 247.

et cinnabarim antimonii *Basilium Valentinum* iamiam descripsisse certum est b).

Aethiopem mineralem, vulgarem, primum adhibuisse THEODORVM TURQVETVM DE MAYERNE perhibent c). Tradidit autem in libro, typis saepius exscripto, *Praxis medica*, methodum conficiendi aethiopem mineralem *per ignem*. Sumebat mercurii partem vnam, sulphuris duas, et tamdiu super igne mouebat massam, donec non amplius sulphur appareret. Eadem methodo GEORGIVS BATE aethiopem parauit. Destrui sulphuris adiecti partem superfluum per incendium, vix est, quod moneam. Deinde GVALTHERVS HARRIS, in libro de infantum morbis sola *trituratione* sulphur et mercurium miscuit. Hydrargyri partes quatuor, florum sulphuris partes tres, ille iubet trituratione longa miscere.

Alt

b) V. SPIELMANN. l. c. p. 248.

c) V. SCHROMMIVS. Io. Fr. aut potius auctor I. H. SCHVLZE, vir eruditissimus, in diff. de Aethiope minerali. Alt. 1725.

Alii denique aliam proportionem miscendorum praescribere. Sed parum refert, nominasse omnes, cum tanta sit rerum dicendarum copia, ut brevitatis ratio sit habenda. Neque nimis parca, neque nimia sit proportio sulphuris ad mercurium, observandum erit. Nec sulphuris deflagratio requiritur, sola enim sulphuris liquatio ad ignem sufficit, modo nimia non sit sulphuris copia, nam solummodo pars superflua deflagratione consumi debet.

Longe maior autem portio mercurii cum sulphure liquato potest misceri, quam sola trituratione si adhibeatur. Etenim fusione sulphuris mercurii partes septem, trituratione sola nonnisi partes tres mercurii possunt iungi.

Hepar sulphuris, tam fixum, quam volatile, dat cum mercurio via humida, Aethiopem mineralem, et sublimatione veram cinnabarim. Ex mercurio sublimato et hepate sulphuris etiam obtinetur Aethiops mineralis d). He.

Hepar, sulphuris aliaque mercurialia, sc. Turpethum, solutio mercurii in acido Nitri, et mercurius praeparatus ruber, si iunguntur, prius aethiopem, dein sublimatione cinabarim largiuntur.

Ex parte sulphur omnino mercurium soluit, hinc aethiops calcis mercurii speciem ficit, et color eius vetustate temporis tandem magis niger euadit e).

Aethiopis mineralis antimonialis HAM I praeparatio haec est: Antimonii crudi in puluerem tenerrimum conuersi, partibus tribus admiscuntur mercurii viui partes quatuor, et florum sulphuris partes duae.

Triturationis diu continuatae beneficio, haec omnia exacte satis miscenda sunt.

Sulphur adiici debet, cum antimonium sulphure non adeo diues, vt cum mercurio exhibeat aethiopem genuinum.

(A. 210) EA

Est itaque **H V X H A M I** medicamentum nil aliud, quam aethiops vulgaris, cui praeter mercurium et sulphur simul partes antimoni regulinae admixtae sunt.

Quis vero laudes ignorat, quas **H V X H A M V S** medicamento suo tribuit.

Interim tamen monendum est, observasse nuper Cl. **M A R C A R D f)** ptyalissimum, non sine aegroti periculo, a dato aethiope **H V X H A M I** per aliquot dies, cuius dosis erant scrupuli duo quotidie. Res mira est omnino, mercurium sulphuris ope sic figi, ut nunc possit sublimari sine magno dispendio, vase etiam non clauso, sed orificio phialae leuiter tantum obturato charta, et vim sialalogam mercurii per additionem sulphuris fere prorsus coerceri.

Sunt enim exempla valde rara, ptyalissimum siue ab aethiope, siue a cinnabari, fu-

f) V. ei. annot. ad **T H O M P S O N I** consult. med. p. 263.

fuisse obseruatum. Aethiops et cinnabaris fautores inuenerunt multos, qui magnis laudibus extulere vires vtriusque medicinae, resoluentes inprimis, sanguinem ac lympham purificantes, hinc in morbis potissimum chronicis, scabie vulgari, venerea, vlceribus, tinea, glandularum obstructionibus, vermibus, vt centum alios morbos taceam, aethiopem laudarunt.

Ad peritiam suam prouocat b. NEVMANN g) se eximium effectum vidisse ab vsu aethiopis vulgaris, larga dosi ad drachmam vsque dimidia.

Sed Ill. TRILLERO, fautori nostro ab annis inde viginti, valde displicet aethiops vulgaris h), illumque iunioribus lac adhuc sugentibus infantibus pessime nocere contendit.

ELLERVS magni fecit suo tempore aethiopem antimoniam, in ipsa lue venerea, can-

g) Praelect. Chym. ex ed. Cl. ZIMMERMANN p. 503.

h) Dispens. vniv. T. II. p. 8. sq.

cancro etiam occulto et exulcerato. Ego vero, vt verum fatear, testor, me nunquam noxios effectus ab vfu vtriusque aethiopis vidisse.

Insignem, ne dicam incredibilem, copiam vtriusque aethiopis, cum Longosalfissae olim, tum Gottingae nuper, ab A. 1773 aegrotis meis praescripsi, et testes prouoco tot sodales instituti Clinici, e quibus nominare potuissem septem Professores, qui nunc cum laude publice artem suam profitentur, quique viderunt mecum, vfu inprimis aethiopis H V X-H A M I, sanatos fuisse morbos admodum rebelles, tineam capitis, scrophulas, vlcera foeda, strumas, atrophiam, scabiem variam, oculorum morbos, et vermes expulisse istud remedium magna copia, et cachexiam verminosam prorsus profligasse.

Istud vero simul monendum habeo, me vix vnquam eius generis medicamentum praescripsisse, nisi dato prius euacuante, ad for-

des

des primaræ viarum eliminandas, acidorum
vsum interdixisse, atque simul ptisanam quan-
dam, siue ex bardana, s. rad. graminis vel
simili, præscripsisse. Nunquam vidi ptyalif-
mum ab vfu aethiopis, qui tamen sæpius a
parcissimo vfu spiritus mercurialis S W I E-
T E N I I vehementiorem ptyalismum obseruauit.

Nolim itaque ego pro inertī medicina
aethiopem, H V X H A M I imprimis, declarare,
quem e contrario damnarunt alii, tamquam
medicamentum noxium.

Iam *Cinnabaris* tres species, sc. *natiua* et
factitia nec non *antimonii*, pariter factitia,
nostram attentionem merentur.

Quaestio olim mota fuit, vtrum tuto sa-
tis *natiua* possit interne sumi i). Plurimo-
rum

- i) Hoffsteter, Johann Adam, ob der na-
türliche und rein gewachsne Zinnober, als
eine Arznei in dem menschlichen Leib ohne
Gefahr gebraucht werden könne. Leipz.
1708. 4t. et eod. anno 8vo sed breuius.
Ei, die vortrefliche Güte des natürlichen je-
doch

rum autem consensu factitia prae nativa laudes meretur.

Nativam ex vana opinione magis efficacem reddere, longa circulatione, proposuit olim CLAUDERVS *k*). Fuit commentum alchymicorum, cinnabarim antimonii, quae aliis placuit, praestantiorum esse vulgari factitia, et chemici omnes recentiorum temporum consentiunt, nullum plane discrimen esse, utrum vulgaris, an vero antimonii, adhibeatur in praxi medica *l*). Sulphur enim antimonii non differt a sulphure communi, et neutiquam auri quidquam continet.

Pro

doch rein gewachsenen Zinnober, entgegen-
gesetzt Joh. Gottfr. Beckern, — daß
dieser Zinnober recht gebraucht, ein ganz
unschädliches und nie genug gepriesenes
Medicament sey. Schleswig 1711. 4t.

k) CLAUDER, GABR. inventum Cinnabari-
num, hoc est, de Cinnabari nativa hun-
garica, longa circulatione in maiorem ef-
ficaciam fixata et exaltata. lenae. 1683. 4t.

l) V. BOECLER diss. de Cinnabari factitia
vulgari, cinnabari nativae et antimonii
non solum aequiparanda, sed et praefe-
renda. Arg. 1749.

D

Pro cinnabari conficienda non eadem proportio sulphuris et mercurii, quam in aethiope minerali requiritur. Etenim sulphuris longe minor sufficit, immo praestat minimam sulphuris copiam mercurio addere, nam quo minor sulphuris, et quo maior mercurii portio, eo melior cinnabaris species sublimatione iungitur obtinetur, coloris nempe pulcherrimi, nam varia omnino proportio miscendorum, sistit cinnabarim. STAHLIUS in Chemia ad septem partes mercurii sufficere vnam sulphuris, docuit.

Sed cum parte nona sulphuris pulcherrimam cinnabarim obtinuit b. NIETZKY, vir in chemia exercitatissimus m).

Quodsi vero maior sulphuris copia sumatur, tunc obtinetur *mercurius violaceus* *Pariri*.

m) v. Ei. diff. de Cinnabari ex calcibus mercurialibus conficienda, sine sulphure iisdem admiscendo. Hal. 1761. p. 10.

NEUMANNVS, l. supra cit. p. 462. ex mercurii p. 4. et sulph. vna, cinnabarim bonae notae obtinuit.

rifensum, sc. cinnabaris factitia, ob maiorem sulphuris admixti copiam nigrescens n).

Non multum differt *Mercurius diaph.* Cl. ASTRUC, scil. Aethiopis et salis ammoniaci partes aequales per sublimationem mixtae.

Ex calcibus mercurii variis, sine sulphuris additione cinnabarim obtineri, mirum non est. Totum enim artificium eo redit, ut addantur substantiae, ex quarum connubio statim nascitur hepar sulphuris. Sal mirabile scilicet prius in retorta tubulata in fluorem redigi debet, tunc addantur per vices miscelae ex turpetho minerali et carbonibus, aut tartaro crudo, aliquot portiones o).

Perhibent chemici in academia Diuionensi, ex sulphuris parte vna, mercurii partibus quatuor, aethiopem fusionis ope paratum, cum hepate sulphuris volatili intra spatium

D 2

tium

n) V. TRILLER Diss. univ. P. 2. p. 404. Habet Fl. sulph. p. 4. merc. p. 6. salis ammon. p. 4.

o) vid. B. NIETZKY in diss. cit. p. 14.

tium temporis horae dimidia, dedisse cinnabarim pulcherrimam *p*).

Idem experimentum antea iamiam fecit BÄUME *q*) sc. absque igne per hepar sulphuris, tam fixum, quam volatile, veram cinnabarim paravit, licet non tam brevi temporis spatio.

Sed omnino NEVMANNVS in Germania suo tempore docuit cinnabarim sine igne conficere, ex spiritus fumantis BOYLE vn-
cia dimidia et mercurii viui drachma dimidia, sola mixtione et vitri agitatione *r*). Cl. WIEGLEB, de cuius amicitia laetor, per spiritum *Begüini*, cuius praeparationem emendavit, sine igne docuit cinnabarim conficere *s*).

Ex-

p) v. Anfangsgründe der theoret. und pract. Chym. u. s. w. ex vers. Cl. WEIGEL B. 2. S. 33.

q) l. c. p. 519.

r) l. c. p. 462.

s) v. Ei. kleine chym. Abhandl. p. 37.

Experimenta illa, quae nuper facta super cinnabaris absque igne confectione, leguntur in libro vtilissimo infra nominato *t*).

Vnde vero cinnabaris color ruber, isque pulcherrimus, quaestio est nondum decisa. Cinnabaris sublimatio, quae Amstelodami hodie vsitata, descripta legitur apud Cl. FERBER *u*), qui modeste simul aliorum errores correxit. Fraude et cinnabari omnino admiscetur minium, Colcothar vitrioli, vel Crocus martis, num vero arsenicum album ad augendum colorem cinnabaris addere soleant, non ausus est definire Cl. FERBER.

Calcem plumbi aut Colcothar vitrioli, noua sublimatio aut incensio cinnabaris in crucibulo candente, manifestare solet, nam remanet calx plumbi et colcothar vitrioli, et sola cinnabaris aufugit. Proderet odor alliaceus sine dubio arsenicum, vt alia taceam

D 3

ex-

t) Taschenbuch für Scheidekünstler u. s. w. für 1780. Weimar. S. 166.

u) l. c. pag. 338. et sequ.

experimenta, quibus vulgo cognoscitur arsenicum.

Sublimatione cinnabaris repetita, hanc non emendari, sed destrui potius, bene monuit B A V M E' x), hinc vnica operatione rite instituta omnium optime sublimatur.

Trituratione diu continuata, colorem cinnabaris augeri, notissima res est. Fortassis latent nos multa, que Batauis in vsu sunt, adminicula, quod ipse concedit Cl. FERBERVS, qui candore et veri amore cedit nulli.

Iam paucis de cinnabaris vsu, quem olim ex vana opinione pereximium credidere, hodie vero non multi magni faciunt. GODOFREDVS SCHVLZIVS in libello singulari y) de amplissimo cinnabaris vsu in praxi medica disputauit. De ptyalismo per suffimigium ex cinnabari incensa legi debet ASTRVC.

Inep.

x) l. c. p. 522.

y) Scrutinium cinnabarinum, etc. Hal. 1680. 8vo.

Ineptae sunt certe omnes formulae, in quibus olim cinnabaris princeps ingrediens erat. Huc pertinere credo puluerem cephalicum MICHAELIS, temperantem STAHLII, cordialem Cellensem, immo puluerem s. specif. COBBII contra hydrophobiam; nam vires certe, si quas habent, admixtis aliis debent, non cinnabari. Inertiam cinnabaris accusauit CARTHEVSE-RVS z). Solui ab humoribus nostri corporis, per experimenta demonstrare alinisi sunt WALLERIVS a) et OETINGER b). Sed licet verissima sint experimenta, solui extra corpus humanum cinnabarim a mensuris variis, sola tamen coniectura est, solui etiam interne sumtam, nec ullum fide dignum experimentum mihi quidem innotuit.

D 4

cin-

z) in diff. de Cinnabaris inertia medica Frft. 1743. recus. in Ei. Collect. disp. ib. 1775. 8vo.

a) WALLERII diff. pro. Cinnabaris efficacia, recusa legitur Vol. I. Sylloges nostr.

b) diff. Cinnabaris exul, redux in pharmacopolum. Tub. 1760.

cinnabarini vires habere nervinas, antispasmodicas, quas a multis decantatas lego.

Nec optimi mei praeceptoris b. MANGOLDI, quem in chemia praeceptorem habuisse, hodie adhuc laetor, tentamina me vincunt c).

Credat, qui velit, laudes cinnabaris, quas illi tribuit IOS. DALBY d).

c) in Act. Ac. Mog. T. II. p. 402. fq.

d) on the virtues of cinnabar and musk, against the bite of mad. dog. Birmingham 1764. v. Götting. Anz. 76 St. 1766.

HISTORIA MERCVRII ET MER- CVRIALIVM MEDICA.

PARS IV.

GOTTINGAE. D. 8. APRIL. 1781.

Cinnabarim, cuius historiam nuper ab-
soluere non potui, neque vehementer
laudant, neque prorsus reiiciunt Auctores
eruditissimi Pharmaciae Cassellis 1779. edi-
tae a), eam ob causam, quod interdum
ab eius vsu ptyalismum viderint non-
nulli. Consentiente Ill. NICOLAI b)
dubia eius manet vis. Hacc dum scri-
bo, docta ad me venit dissertatio, in qua
prolixè exposita legitur histoira de Suf-
simigiis cinnabrinis eorumque effectibus,
D 5 quam

a) p. 90. seq.

b) Recepte und Curarten, p. 554. seq.

quàm euoluat, qui velit, cupidus lector c),
 Pessime semel nocuit fumus cinnabaris anti-
 monii ore exceptus, cum tertia vice per su-
 blimationem illam emendare cogitaret artifex
 chymicus d). Cinnabaris vero antimonii
 obtinetur ex mercurio sublimato corrosiuo et
 antimonio, mixtis et per sublimationem con-
 iunctis. Primo autem butyrum antimonii,
 deinceps vero cinnabaris ascendit. Arrodit
 nempe acidum salis regulum antimonii, et
 cum illo butyrum constituit, mercurius vero
 et sulphur cinnabarim efficiunt.

Variam miscendorum proportionem, et
 inter haec optimam, recensuit DOSSIE e).

Idem

c) PONYRKA, Dionys. de Anathymiasi
 Cinnabaris. Argent. 1780.

Prorsus damnauit usum suffimigii, in
 morbis etiam topicis.

d) Obseruatio legitur in IO. GEO. à BER-
 GEN, diff. de Vi deleteria fumi cinna-
 baris antimonii. Frft. 1725. resp. VN-
 GNAD.

e) The laboratory laid open p. 252. seq.

Idem auctor docuit cinnabarim antimonii *sine mercurio sublimato corrosiuo*, ex merc. viv. p. XIII. Sulph. p. V. et antim. crud. p. I. et dimid. per sublimationem, praeparare. Alia methodo absque *antimonio crudo* cinnabaris antimonii paratur, nimirum ex sulphure antimonii aurato et mercurio crudo. Ex eodem sulphure aurato et mercurio sublimato corrosiuo, idem productum obtinetur, monente iam NEVMANNO *f*).

KENELMI DIGBAEI mercurius diaphoreticus nil aliud est, quam species cinnabaris antimonii. Iubet ille mercurii viui libram vnā et sulphuris antimonii aurati vncias quatuor terendo miscere ac repetita sublimatione combinare. Vires, quas cinnabarim antimonii praestare crediderunt olim, prolixè recensuit FR. HOFFMANN *g*).

Sed cum taedii et periculi plena operatio illa, conficiendi cinnabarim antimonii ex
mer.

f) l. c. p. 461.

g) In diff. de Cinnabari antimonii Ien. 1681. resp. GRÜLING.

mercurio corrosiuo et antimonio, hodie prorsus euiluit, nam faciliori tutiorique methodo butyrum antimonii obtinetur *h*), quod chirurgicis vsibus inseruit solummodo tanquam septicum externe adhibendum, in morbis corneae, aliisque topicis vitiis, quae septicum desiderant. Commode satis hic locum inuenit *Aethiops ille Auripigmentalis*, quem ego superfluis adnumerare medicamentis nullus dubito *i*).

Proxime cum his conuenit mixtio mercurii, siue viui, siue eius praeparati, cum aliis pharmacis, quae sola trituratione vulgo mis-

h) Videatur in libro notissimo: *Almanach für Scheidekünstler vor 1780.* p. 121. sq. haec methodus, quae B. NEVMANNO olim non ignota l. c. pag. 1464., vt itaque *nouum inuentum* dici non possit.

STAHLIUS iamiam docuit parare butyrum antimonii absque mercurio sublimato corrosiuo, et eius methodum nuper emendauit BAYMÉ l. c. P. 2. pag. 493 et 92.

i) HARTMANN, PHIL. IMMAN: *diff. de Aethiope antimoniali et auripigmentali.* Hal, 1759.

miscentur, et latiori sensu *Aethiopsis* speciem constituunt. De quibusdam supra dixi *k*).

Angli inprimis amant *mercurium alcalisatum*, h. e. mercurium cum absorbente quodam longa trituratione in pulverem subtiliorem comminutum. Datur in Germania etiam ex longo tempore mercurius dulcis cum absorbente. Vtrumque medicamentum non solum in morbis venereae indolis, sed et contra vermes dari solet. Anglis quoque placet *Aethiops* ex mercurio viuo et resina Guaiaci. Praescribitur autem vel seorsum, vel vnacum aliis forma pilularum *l*).

Ipse pulvis *alterans PLUMMERI* est species *aethiopsis mercurialis*. Eius medicamenti historiam, nec non similitum, in libro utilissimo recensuit Ill. NICOLAI *m*), nobisque otium fecit.

Lu.

k) Progr. II. p. 29.

l) de variis pulueribus mercurialibus v. NICOLAI, l. c. p. 796, sq.

m) l. c. pag. 476. sq.

Lubentissime et hic testor, per annos viginti et ultra saepissime et diu continuato usu aegrotis meis summa cum euphoria PLUMMERI medicamentum varia forma me praescripsisse, nec memini vnquam me noxium effectum vidisse.

In tinea capitis sanatu admodum difficili, multis aliis medicamentis frustra adhibitis, semel mirifice profuit pilularum forma puluis alterans PLUMMERI et CONIUM STOERCKII, illasque pilulas deinceps aliis aegrotis in morbis venereis frequentius praescribere coepi, et semel tantum spes mea fefellit, in mentagra venerea viri, quem nec tribus vicibus repetita saluatio sanare potuerat, cui puluis Conii cum melle, forma electuarii tandem restituit sanitatem.

Cum tanta sit multitudo mercurialium, ut Viri Cl. CVLLENⁿ⁾ SAVNDERS^{o)} DUNCAN^{p)}, FALCK^{q)} utilissimo consilio in
 usum

ⁿ⁾ in Mat. med.

^{o)} in vers. anglica libelli Cl. PLENCK.

^{p)} Tr. on Mercury;

^{q)} Tr. on Mercury,

vsu iuniorum medicorum, haec omnia in tabula quadam consignarent, non dubitavi primam eius partem hic apponere, ut lecturi eo melius perspicere queant, quae haecenus in vsu fuere.

Occurrit itaque

I. *Mercurius*, isque purgatus, *trit*us,

a) absque additamento,

Aethiops per se, ingrediens *Trag.* KEI-
SERI;

b) c. melle

Pil. Mercur. Ph. Edinb. 1744.

c) c. Balsamo vel Terebinth.

1) *Pil. Merc.* Lond.

2) *Empl. comm. t. Merc.* Lond.

3) *Empl. Merc.* Edinb.

4) *Vnguent. coerul.*; mitius et fortius,
Lond.

5) *Cerat. Merc.* Lond.

d) c. *Resina* (v. c. *Guaia*ci)

1) *Pil. Merc.* Edinb.

2) *Pil. Aethiop* Edinb.

e)

e) c. Gummi (v. c. Arab.)

- | | |
|-------------------|-------------|
| 1) <i>Solutio</i> | } PLENCKII. |
| 2) <i>Pitulae</i> | |
| 3) <i>Syrupus</i> | |

f) c. Pingued.

Unguenta merc. varia.

g) c. Gelat. Ranar.

Empl. de Ranis c. Merc. Vigonis, varia proport.

h) purg. variis

Pil. Mercur. var.

i) c. terra absorb.

Merc. alcalisatus Anglor.

k) c. Saccharo

Merc. Saccharatus Edinb.

Satch. Vermifug. Paris.

Aethiops purgans. Huc pertinent Trochisci et Morfuli.

l) c. Sulphure

- 1) *Aethiops vulg. et antim.*
- 2) *Cinnab. varia, sublimatione*
- 3) *Aeth. Auripigmental.*

m) c. Sulph. ant. aurato

1) *Pulu. alterans Plummeri*

2) *Kleinii Merc. diaph.*

n) c. Manna

Trag. KEISERI

o) c. *Mica Panis*

Pil. Merc. var.

p) c. *Conferu. Rosar.*

Boh. coerul.

II. *Mercurius igne calcinatus*

a) per se

Merc. calcin. Lond.

Merc. praecip. per se

— *calc. niger Boerh. de Merc.*

b) cum Aurò

Merc. praecip. Solaris Astruc. Panacea

vulgo de la Vigne.

Iam sequuntur praeparata *Salino-mercurialia* varia, quae fiunt modo *talces* s. *praecipitata*, modo *sublimata*, quae, vt facilius pateant, non inutile censui tabulam sequentem hic exhibere.

III. Mercurii solutio alia fit

a) per *acidum nitri*, quae sistit

Solut. Merc. Edinb.

Calcem Merc. Edinb.

(*Merc. praecipit. alb. v. infra*)

Merc. praecipit. rubr. et Arcan. corallin.

Mercur. coerul. (vid. Apoth. Gal. voc
1781. p. 14.

b) per *acid. Salis communis*, vnde

Merc. sublim. corrosiv.

— — *dulc.*

*) *Calomel.*

**) *Aquila alb.*

Merc. praecip. alb.

Mercur. diaph. violac. Cl. ASTRVC, s.

Flores ammoniato-mercuriales. sc. Aethiops et Sal comm. per sublimat. si vero

Sal ammon. et merc. trituratione miscentur, et deliquescit haec miscela, nascitur

Solutio mercurii per deliquium Cl.

ASTRVC.

Mer-

Mercur. dulc. martiatus Cl. HART-
MANN v. infra

c) per *acidum Vitrioli*, unde

Merc. praecip. flav.

f. *Turpethum minerale* et
Oleum Mercurii

d) c. acido aceti,

Solutio merc. et cupri in acido nitr.
euap. et noua digestionem cum
aceto, dat *Merc. praecip. virid.*

Sola trituration mercur. c. aceto dat

Mercurium Keyseri, et simile produ-
ctum sistit calx mercurii per
acidum nitri facta, et deinceps
aceto soluta.

e) c. acido Tartari,

sc. Calx merc. per acid. nitri facta,
acido tartari soluta dat

Mercurium tartarifatam Cl. MONNET
et PRESSAVIN.

Tandem habemus etiam

Mercurium alcalifatam, sc. cum mercurio
neque alcali fixum, neque volatile sol-

uere possit, calx antimonii saepius dicta, per acidum nitri parata, soluitur per spiritum salis ammoniaci causticum, vulgaris enim non satis efficax est. Eadem calx mercurii soluitur quoque a lixiuio sanguinis.

Ne omittam quidquam, quod aliqua ratione ad mercurii historiam pertinet, repetitionis causa hic appono aliam tabulam mercurialium, quam supra laudati auctores nobiscum iam olim communicarunt.

Sistit haec

IV) *Salino-mercurialia correcta*

A) per abstract. acidi

a) per calcinat.

Merc. corros. ruber L.

— *calcinat. E.*

— *praecip. rub. E.*

b) per attract.

a) aquae

Pulv. Principis N. D.,

β) per alcohol

Mercur. corall. L.

Panac. Merc. E. 1744.

γ) per aqu. et alcohol

Arcan. Corall. N. D.

Panac. Merc. rubr. N. D.

δ) per camphoram

Pil. e Turpeth, min. Ph. P. E.

Mista unguenta Merc. c. camph.

c) per attract. et praecip.

α) per alcali fix.

Merc. praecip. fusc. E. 1744.

[Huc pertinet quoque *unguent ZEL-
LERI* et *WERLHOFII* ad
Scabiem ex mer. praecip. alb.
et oleo tartari per deliquum.]

β) per alc. volat.

Merc. praecip. alb. E. et L.

Unguent. e Merc. praec. L.

γ) per alc. volat. et cupr.

Merc. praecip. virid. E.

B) per addit. Mercurii

a) *Merc. sublim. dulc. L. E.*

*) *Calomel*

**) *Aquila alba.*

b) per addit. Vnguent.

Vnguent. citr. E.

Aliaque vnguenta.

Praeparata salino - mercurialia acris facta,
sunt

a) per solut. praecipit.

Merc. praecip. solutus

b) per addit. acidi

Solut. Sublimati, cum acido falis

c) per suspensionem c. sale ammoniaco

Merc. corros. nitrosus

*) *Wards White Drops*

Merc. corros. muriaticus.

Ultimo demum memoriae causa hic iterum repeto

*Mercurialia cum metallo quodam vel
semimetallo mixta, et hic occurrunt mixtio mercurii*

a) c. Cupro

Merc. praecip. virid.

b) c. Marte

Merc. dulc. mart. Cl. HARTMANNI

c) cum antimonio

Pul-

Pulvis IACOBI, f.

JAMES POWDER.

sc. calx duplex ex merc. et antimon.
simul parata.

Aethiops antim. Huxhami

*) c. Sulph. antim.

Pulv. alter. Plummeri

**) c. Auripigm.

a) *Aethiops, auripigm.*

β) *Merc. subl. coloris variegati ex merc.
subl. corros. et auripigm. v. Apoth.*

Calender vor 1781. p. 57.

Vix huc pertinet *Merc. praecip. solaris* Cl.

ASTRUC, vulgo *Panacea* DE LA
VIGNE,

non tamen in catalago mercurialium metalli-
corum omitti poterat.

Sic occurrunt inter praeparata composita
Trochisci ESCHAROTICI cum *minio* LE-
MERY, et alia formula Parisiensium.

De singulis illis mercurialibus nunc seor-
sim dicam.

Tra-

Tradam vero seorsim, quae pertinent ad historiam singulorum, praeparationem variam, usum medicum, et agendi modum, incipiendo a solutione mercurii ope spiritus nitri concentrati. Etenim haec multorum basin constituit, et facillime omnium perficitur. Sed de his omnibus proxima occasione, nam nolo inchoare nunc doctrinam illam, quam absolvere non possem in hoc libello mole paruo.

ERRATA PRAECIPVA.

p. 7. l. II. lege, praeparatorum.

— — penult. *illo*, l. alio.

p 10. l. 12. leg. *fi*.

1799-1800

1801-1802

1803-1804

HISTORIA
MERCVRII

ET

MERCVRIALIVM
MEDICA.

LIBELLVS SECVNDVS.

SCRIPSIT

ERNESTVS GODOFREDVS
BALDINGER,

SERENISS. PRINCIP. LANDGRAV. HASSO-CASSEL.
A CONSIL. AVLAE ET ARCHIATER PRIMA-
RIVS, ILLVSTR. COLLEG. CAROLINI
PROF. PRAX. MED. ORD. ET H. T.
PRO - RECTOR.

GOETTINGAE,
apud IO. CHRIST. DIETERICH.

1785.

MISSOURI

ALPHABET

MISSOURI

MISSOURI

MISSOURI

MISSOURI

MISSOURI

MISSOURI



PIIS MANIBVS

FILII DESIDERATISSIMI,


ERNESTI FRIDERICI,


PRIMOGENITI,

ET VLTIMO MORTVI

LVGENS

PATER.





LECTURIS.

S.

Incredibilis fere, et stupenda omnino ignorantia eorum, qui artem medicam exerceat, ex ineptis formulis, quas medicorum turba quotidie solet praescribere, late patet, ut dubius anceps haeream, num fuit rudes magis in studio chemico-pharmaceutico, an vero in ipsa artis historia?

Etenim si legissent, quae in melioribus libris iam dudum annotata sunt, non peccarent quotidie in formularum praescriptione, ut tiro trium dierum in officina pharmaceutica derideat horum ineptas formulas. —

Quadrata rotundis adiciunt saepe, ut lugubre sit omnino fatum aegrotorum, qui rudes homines pro medicis habent.


Quid ineptius mercurii dulcis connubiosum Tamarindarum Pulpa, aut emulsione, quae continet mercurium dulcem? Minime miscenda sunt, quae mixtionem non admittunt, nec aliqua indicatione firma et stabili misceri possunt. Princeps causa, cur toties contra artis praecepta hallucinari videamus, qui se medicos fingunt, haec esse videtur, quod neglexerint in academiis studiis chymico-pharmaceuticum, nec sciant satis, quae sit indoles medicamentorum chymico-pharmaceuticorum. Non itaque superfluum labor videtur toties prima artis nostrae praecepta iterum iterumque inculcare tironibus — e quorum numero non pauci Doctoris, immo Professoris titulo superbiunt —

*et si vix locum mereantur in subfelliis eruditi
Professoris, cui curae cordique est, ut sapere
discant auditores. Ingens multitudo est phar-
macorum mercurialium. Sunt efficacia, heroi-
ca, summaque prudentia adhibenda. Non
iusto enim tempore data, pessime nocent,
horumque effectus tunc iis perfecte similes, qui
ab assumpto veneno solent oriri. Sola enim
dosis, et applicatio, medicamentum a veneno
distinguit, omnium consensu.*

*Quae in tot libris, variè passim argumen-
ti, passim occurrunt, de praeparatis ex mer-
curio, horumque usu medico, ea omnia sedulo
in epitomen quondam redegi, ut vno intuitu
statim innotescat singulis, quenam sit horum
mixtio et indoles. Sermo fuit in libello primo
et secundo de mercurialium indole, superest,
ut in libello tertio exponam praecipua, quae
A 4 usum*

*usum mercurii et mercurialium spectant. Scio ;
medicis eruditis et in artis exercitio iam versatis,
haec omnia non esse noua. Sed scopus non
fuit noua scribare , qui nota et notissima, ti-
ronibus et iunioribus medicis nota facere decre-
ui. Aequi iudices meum inseruiendi studium
diiudicent ex scopo. Scrib. Cassellis d. XIV.
Augusti 1785. Principis Optimi , qui nobis
hoc otium fecit.*

E. G. BALDINGER.



PROGR. I.

CASSELLIS, D. VIII. FEBR. MDCCLXXXV.

Scribere coepi ante hos annos tres Gottin-
gae historiam mercurii et mercurialium
medicam, sed prima pars solummodo pro-
diit, continens pharmaca mercurialia, quae
sola fere mixtione obtinentur, nec non prae-
parata *fulphureo-mercurialia*. Quae illo tem-
pore in quatuor programmatibus proposui,
paulo post libelli forma recudi curavi. Quae
vero supersunt, hac occasione opportuna
pertractare mecum decreui. Praecipuam ita-
que nunc attentionem merentur *salino-mer-
curialia*, *praecipitata* partim, partim vero
sublimata, quorum usus in medicina et chi-

rurgia insignis est, ad morbos sanandos, potissimum vero chronicos et rebelles.

Scripti vero in usus medicorum praxin ineuntium, epitomen quandam eorum, quae in tot libris sparsim occurrunt; quaeque nostra aetate ignorare debet nemo. Sermo erit de conficiendis singulis praeparatis, nec non de singulorum usu medico-chirurgico. Sed ut facilius pateat, quatenus sint praecipua salino-mercurialia pharmaca, tabulam quandam synopticam praemittere debui.

Sunt nempe tot *salino-mercurialia*, quot sunt mercurii in acido vario solutiones.

Occurrit solutio mercurii in acido

I. *Minerali*,

et quidem

A) *Vitrioli concentrato*. Haec largitur

Turpethum minerale.

B) *Nitri*, cuius beneficio obtinetur

Mercurius praecipitatus ruber et

Arcanum Corallinum.

C) *Salis*

- C) *Salis communis*, cuius ope surgit
Mercurius sublimatus corrosivus et
Mercurius sublimatus dulcis et
Calomel.
Mercurius praecipitatus albus.
Mercurius dulcis martialis Hartmanni.

II. *Vegetabili.*

A) *Aceti.*

*Nascitur mercurius praeparatus Key-
 serii et Daufoni.*

Huc etiam pertinet

Mercurius praecipitatus viridis.

Solvitur nempe mercurius et cu-
 prum in acido nitri, post men-
 strui evaporationem nova solu-
 tio in acido aceti fit.

B) *Tartari.*

Hac ratione paratur

Mercurius Tartarizatus

Cl. Monnet et Pressavin.

Reliqua salino-mercurialia, rarius aut
 nunquam in medicina usitata lubens mitto,
 nam

nam chemici potius quam medici attentionem merentur.

De singulis vero seorsim dicendum est.
Agmen ducat

I.

Mercurius praecipitatus ruber.

BASILIO VALENTINO eius praeparatio iam nota fuit. Paratur autem methodo duplici. Alia longior est, alia brevior. Illa, cum mercurius per aliquot menses igni exponitur, donec ruber appareat, et tunc audit

Mercurius per se calcinatus.

CL. WEIGELIO debentur encheireses, ut omnium optime obtineatur a). Altera methodus est; soluitur mercurius in acido nitri, post menstrui abstractionem tam diu exponitur igni, donec ruber euadat. Haec methodus sola in usu est. Prior enim, ab Alchymicis

a) Chym. min. Abh. T. I. S. 30. CL. LEONHARDI in not. ad MACQUERI Dict. chym. p. III. p. 628.

chymicis excogitata, vana et superflua est. Bene satis monuit enim Cl. WIEGLEB *b)* nullum esse discrimen inter praeparatum istud, siue primam, siue alteram methodum elegeris. Idem docuit, perperam istud praeparatum appellari calcem, nam calcis dotes non habet *c)*. Etenim non amittit phlogiston, atque igne solo eius reductio chemica iterum perficitur. Acor non salinis, sed igneis debetur particulis. Nulla enim supersunt in hoc praeparato, quod perperam calx appellatur, acidi nitri vestigia *d)*. Solutio mercurii in acido nitri eam ob causam eius calcinationi solet praemitti, ut igneae particulae mercurio facilius adhaereant. Methodum Amstelodamensium in conficiendo praecipitato

b) Chym. B. 2. p. 448 - 450.

c) Idem ib.

d) SPIELMANN diff. de Hydrarg. *ppf.* effect. §. 6. recus. in collect. Cl. WITTEWER. Vol. I. p. 185. LEONHARDI, in not. ad MACQUERI Dict. chym. T. III. p. 632.

cipitato rubro, descripsit Cl. FERBER *e*). Sed hic repetenda sunt, quae contra Londinenses Cl. DOSSIE monuit, qui eadem fere ratione, minime fere optima praecipitatum rubrum parare iubent *f*). Solo igne, sine additamento, ex mercurio, tam praecipitato albo, quam dulci, modo sublimatio impediatur, mercurii praecipitati rubri species gignitur *g*). Sed et sublimatione quadam miscelae ex mercurio, nitro et vitriolo obtinetur mercurius praecipitatus ruber. Est haec methodus satis antiqua, scil. ISAACI HOLLAND et KVNCKELII *h*). Origo praeparati non differt a priori. Hac enim operatione globuli mercurii in sublimae rapiuntur, atque particulis igneis impraegnantur.

Vana illa opinio, acrimoniam praecipitati rubri deberi acido nitri mercurio adhaerenti,

e) Neue Beytr. zur Mineralgeschichte &c. I. B. Mietau 1778. p. 354.

f) Eröffnet. Lond. Laborat. &c.

g) WIEGLEB, l. c. p. 451.

h) Ib. l. c.

renti, ineptam eius correctionem peperit, qua acrimoniam illam salinam abluere studuerunt. LIBAVIVS inuentor dicitur. Partes praecipitati rubri et alcali fixi aequales trituratione miscere solebant, dein aqua abuer, post vero super mercurio aliquoties spiritum vini deflagrare. Princeps causa huius correctionis fuit, vt praeparatum istud mitius fieret.

Arcanum Corallinum a coloris quadam similitudine istud praeparatum appellauit LIBAVIVS, et THEOPHRASTVS PARACELSVS, *mercurium praecipitatum diaphoreticum i*). Superfluous omnino labor est *k*). Merito itaque ridendi, qui ex ignorantia studii chemici, nostra aetate adeo exculti, nescio quae somniant, de praestantia huius vel illius praeparati, v. c. mercurii, solo igne calcinati, cum ab horum usu neutiquam virtus specifica expectanda sit, aut peculiaris quaedam.

Innotuit

i) SPIELMANN *Inst. chem.* ed. alt. p. 173.

k) WIEGLEB, *l. c.* p. 450.

Innotuit fraus corrumpendi mercurium praecipitatum rubrum, scilicet minio et cinnabari, subtilissime puluerisatis. Sed cognoscitur facile. Etenim inmercurius suspectus cum pulvere carbonum in crucibulo fusorio igni exponitur. Plumbi enim reductio de minio addito non dubitare finit. Cinnabaris si admixta, is fumi formam aufugere solet, cum super ferro candente mercurius praecipitatus ruber igni exponitur.

Antiquitates usus mercurii praecipitati rubri quot attinet, teste ASTRUC 1) iam 1514 10. DE VIGO interne adhibuit ad luem gallicam sanandam, immo fuit primum omnium mercurialium, quae contra hunc morbum in usu fuerunt unquam. Eodem teste m) ANT. GALLVS 1540 ad mentem VIGONIS adhibuit BOERHAAVIVS

1) De morb. ven. ed. alt. p. 165.

m) Ib. p. 692.

vivus de usu eius interno et externo, cum salutare, tum noxio, multus est *n*).

THOM. BARTHOLINUS noxios effectus ab eius usu externo annotavit *o*). MELCHIOR FRICCIUS *p*) multa collegit de morbis venereis ptyalifino sanatis ope praecipitati rubri.

Corrosivum istud medicamentum nostra aetate solummodo externe applicatur, contra verrucas et condylomata, siue pulueris, siue unguenti forma. Est aliud unguentum, quod in ophthalmia vehementer laudat BOERHAAVIUS *q*), cuius formula sequens est:

R_x. Butyr. non salit. 3jj.

Cerae alb. 3j.

Merc. praecip. rubr. 3ß.

Opii gr. ij-iii.

misc.

n) Chem. P. II. ed. Lips. 1732. 8vo p. 424.

o) Epist. med. Cent. III. 100.

p) In libro rariori, mere quidem compilatio, sed utilissimo, de virt. venen. medica, Vlm. 1701. 8vo p. 103.

q) De morb. Oculor. Götting. 1730. 8vo p. 95.

misc. super igne in mortario vitreo vel alabastrino. Includatur linteo raro. Conseruetur in aqua rosarum in loco calido. Quater vel quinquies singulis diebus premitur super oculum, vt eius particula oculum ingrediatur.

Laudat in Lippitudine vsum vnguenti huius Cl. THEDEN *r*). Vniuersam doctrinam de praecipitatis mercurii, coloris varii pertractauit Cl. SPIELMANN *s*). De calcibus item mercurii experimenta nobiscum communicauit Cl. BAYEN *t*) et Cl. CADET *u*). De vsu vero mercurii calcinati egit nuper Cl. SAVNDERS *v*).

II.

Mercurius praecipitatus albus.

Mercurius praecipitatus albus recentioris aetatis inuentum videtur, quod IOANNES

HART-

r) Neue Bemerk. u. f. w. p. 192.

s) Chem. ed. alt. p. 243.

t) v. Samml. aus ROZIER B. I. Leipz. 1776. 8vo p. 249.

u) Ib. p. 320.

v) Samml. für pract. Aerzte, B. 3. St. 3. p. 405. sqq.

HARTMANN prius omnium descripsisse dicitur a). Occurrit vero apud Hartmannum sequens descriptio. „*Panacea mercurii albi vulgaris*: mercurius in aqua forti dissolvitur: „in solutionem aqua falsa infunditur, ut mercurius ad fundum praecipitetur. Qui ab „omni falsedine liberatus, exhibetur cum te- „rebinthina a gr. jv ad x vel xvj.”

BARCHUSEN praecipitati albi iam mentionem fecit tanquam medicamento illo tempore usitati b). Laudat iam eius usum internum ad vermes necandos, externe vero in scabie, serpigine, aliisque faciei pustulis.

Mirum est profecto, tam sero hoc praeparatum innotuisse, cum diu ante notum fuerit istud praeparatum quod mercurius sublimatus corrosivus appellatur. Etiam non multum differt vnum ab altero, et bene monente

a) Prax. Chimiatri. Genev. 1782. 8vo p. 16.

b) Pyroscopia L. B. 1698. 4. p. 187.

nente Cl. MONNET *c)* ab affusa maiori quantitate acidi salis, loco praecipitati vulgo albi, vera species sublimati corrosivi obtinetur. Sola proportionem acidi salis ad mercurium differt praecipitatus albus a mercurio sublimato. - Paucis repeto antiquam methodum conficiendi mercurium praecipitatum album. Soluitur nempe prius in acido nitri, et tunc admiscetur solutio salis communis, aut spiritus salis, aut sal ammoniacum. Fit aqua regis, quae soluit quidem mercurium, sed ab affusa aqua abuitur *d)*. De variis mercurii praecipitatis et de albo etiam prolixè olim scripsit LEMERY *e)*. Methodum novam Cl. LEMERY docuit, scil. solutioni salis ammoniaci uncias quatuor in aqua libra integra, adiecit quatuor uncias *mercurii sublimati*, sensimque

c) Aët. Suéc. Vol. XXXII.

d) BOERH. Chym. T. II. SPIELMANN Chym. p. 295.

e) In Aët. Paris. vid. Cl. CRELL N. Chym. Arch. B. I. p. 78. et 134.

que admiscuit alcali fixum solutum, ea quantitate, donec praecipitatio absoluta sit omnis. Hanc methodum DOSSIE laudat. Haec methodus est ablutio mercurii corrosivi, quae absorbet copiam acidi salis communis, ut longe minor sit ratio acidi ad mercurium, quam in mixtione sublimati.

De variis praecipitationis mediis egit MACQUER *f*), et recte monuit, vix semper ex menstruo omnem mercurii copiam deici, cuius partem solutam tenet, praecipitatum vero pro vario praecipitationis medio, mox salinae, mox calcareae indolis.

Historiam praecipitati albi CL. BERGMANN pertractavit *g*). Aliam nuper methodum conficiendi praecipitatum album docuit CL. WIEGLEB *h*). Soluitur nempe mercurius in
acido

f) l. c. p. 620.

g) Act. Suec. P. 33. et Cl. CRELL chym. Journ. Th. II. S. 210.

h) Primum in Fortg. kl. chym. Abh. v. Apoth.

acido nitri, admiscetur solutio salis ammoniaci, dein oleum tartari per deliquium instillatur (cauendone nimium instilletur). Praecipitatum edulcoratur, exsiccatur.

Etiam fraude corrumpi solet mercurius praecipitatus albus, nam mox adiicitur cerussa, terra alba, vel amylon *i*). Cerussam prodit sequens experimentum: Mercurius praecipitatus albus cum parte tertia alcali fixi in crucibulo candente exploratur. Vaporis forma mercurius fugit, remanet plumbum, quod hac ratione reduci solet. Alkali cum acido salis sistit speciem salis digestiui febrifugi. Soluitur istud sal, tunc terra admixta aliena remanet. Si amylon admixtum, CARBO remanet, si mercurius laminae ferreae candenti imponitur. Vsum *internum* praecipitati albi vehementer laudat BOERHAAVIUS *k*)

inprimis

Alm. 1782. Item in noua ed. Chem. vo-
GELII p. 616. et nuper in chem. propr.
P. II. p. 1319.

i) DOSSIE et BERGMANN l. c.

k) Ed. cit. p. 422.

inprimis contra vermes, scabiem, vlcera venerea et alios morbos rebelles chronicos.

Blandam ciere salivationem idem monuit, et SWITENIVS hoc praeparatum mercuriale ad salivationem prae ceteris amavit.

Vnguentum istud quod BOERHAAVIUS l. c. laudat, non differt nisi proportionem ingredientium ab vnguento ZELLERI vel WERLHOFII 1), quod in scabie, et tinea capitis tuto et cum summa euphoria solet adhiberi. Ab anno 1774 - 82 Goettingae in instituto clinico plus quam trecentum libras praescripsimus, infantibus et adultis, nec vnquam malum effectum ab eius vsu animaduerti. Cl. LANGE m) admisto oleo tartari per deliquium mitius reddere voluit praecipitatum album.

III.

Mercurius sublimatus corrosivus.

E numero praeparatorum mercurialium hoc omnium antiquissimum videtur, et quod

R. 4

olim

1) v. KLEIN select. rat. form. p. 318.

m) Miscell. verit. med. Fasc. I. p. 6.

olim venenum maxime deleterium appellari consuevit, nostra inprimis aetate adeo frequenter adhiberi coepit vsibus internis, vt pane, cibo, et bellariis facilius carere possint homines, quam illo veneno, necandis muribus aliisque animalibus nociuis olim destinato. Tanta est rerum vicissitudo!

Arabes suo iam tempore nouisse mercurium sublimatum, testimonia multa occurrunt, quae SPIELMANNVS a) collegit.

FRICCIUS prolixè egit de vsu sublimati corrosiui ab omni rētro aetate b). Alibi ipse recensui quae WISEMANN, ZWOELFERVS c) et STEPH. BLANCARD d), nec non GMELINVS iunior e) de sublimati vsu annotarunt. GMELINVS senior sublimati tanquam empirici

a) In diss. cit. de Hydrarg. ppt. int. effect. §. 7.

b) l. c. p. 97. sqq.

c) Mag. f. Aerzte St. 12.

d) N. Mag. f. Aerzte, B. I. St. 6.

e) Mag. f. Aerzte, St. 10.

rici medicamenti in Sibiria meminit *f*). Historiam antiquitatis mercurii sublimati in historia pharmaciae exposuit Cl. RETZIVS *g*). Antiquam Venetorum methodum parandi sublimatum corrosivum narrauit TACHENIVS *h*). Recentior Amselodamensium methodus descripta legitur apud Cl. FERBER *i*).

Sunt vero mercurium sublimatum conficiendi plures methodi. Vulgo mercurius soluitur in acido nitri, et acidum iterum abstrahitur destillatione. Edulcorato mercurio admiscuntur vitriolum ad flavedinem calcinatum, nec non sal commune decrepitatum. Sublimatio in cucurbita vitrea institui solet. Remanet sal mirabile Glauberi.

Acidum salis communis melius agit in mercurium, si prius in acido nitri solutus.

B 5

Vitrio-

f) In hist. itiner. P.I. p. 148.

g) Act. Hafn. T.I. p. 113. sqq.

h) Hipp. chym. p. 215.

i) l. c. p. 348.

Vitriolum expellit acidum falis : vnde haec tria acida, quae simul adhiberi solent, solummodo efficiunt, vt facilius falis communis acidum coeat cum mercurio.

Sed iam olim LEMERY ex solo mercurio et dupla portione falis communis decrepitati obtinuit mercurium sublimatum *k*).

Etiam mercurius praecipitatus ruber et fal commune, aut spiritus falis communis, largiri solent mercurium sublimatum. Alia ratione DOSSIE *l*) ex mercurio, fale communi, et vitriolo calcinato, vel oleo vitrioli mercurium sublimatum parare docuit. Mercurii in acido nitri soluti partem vnā, vitrioli ad albedinem calcinati partes 2. et falis decrepitati partem vnā ex balneo arenae
subli-

k) Hist. de l'Ac. de Soc. de Paris 1709. et Cl. CRELL N. chem. Ann. B. I. p. 25.

l) Methodus fuit KVNCKELII et Cl. BOVLDOIC Mem. de l'Ac. des sc. de Paris 1730.

sublimare iubet ERXLEBEN *m*). Plura qui
 scire cupit, euoluat Cl. MACQVER l. c. *n*).
 Etenim mihi sufficit generatim indicasse phae-
 nomenorum rationes. De vnione mercurii
 cum acido salis, huc pertinent, quae C. BERG-
 MANN docuit *o*).

Sed noua methodo mercurium sublima-
 tum sine igne nuper docuit elaborare Cl.
 MONNET *p*), eaque simplicissima. Solutioni
 nempe mercurii in acido nitri calidae admi-
 scetur solutio salis communis. Acidum nitri
 cum alcali salis communis largitur nitrum cu-
 bicum, et acidi salis cum mercurio connu-
 bium largitur mercurium sublimatum. Mitto,
 quae alii de proportionibus acidi ad mercurium
 habent

m) Chem. ed. alt. a Cl. WIEGLEB emendata
 §. 503.

n) B. V. p. 242. sqq.

o) Schwed. Abh. B. 32. et CRELL ch. Journ.
 II. S. 169.

p) Schwed. Abh. B. 32. vor 1770. et CRELL
 ch. Journ. II. p. 171. nec non Apoth. Al-
 manach 1781. p. 30. RETZII addit, Schwed.
 Abh. B. 32.

habent, nam sufficit legisse, quae nuper de eodem argumento Cl. SCOPOLI disputavit q), quae docent, hoc praeparatum non semper vnus eiusdemque indolis esse. Proportio enim acidi ad mercurium varia est; et maxime corrosiuus mercurius is est, qui maximam copiam acidi continet, quae cum mercurio iuncta.

Quae sint antidota acerrimi huius veneni, singulari studio explorauit Cl. NAVIER r). Fuit a seculo nono mercurius sublimatus corrosiuus in vsu, et sec. XVI. mature adhiberi coepit, contra luem gallicam, diuque mansit empiricorum et chirurgorum princeps medicamentum, quod medici minus audaces, rarius adhibuerint. Fuit tamen ante BOERHAAVII tempora etiam medicis in vsu, quod testantur scripta BLANCARDI, ZWOELFFERI, WISEMANNI et aliorum. Nec ipse BOERHAAVIUS

q) CRELL chym. Annalen, B. I. St. 1. 1784.

r) Gegengifte des Arsenics, sublimat's u. f. w. ex Gallico c. annot. per C. E. WEIGEL I. B. Greifsw. 1784. 4to min.

HAAVIVS ignoravit *sublimati usum internum* s), ait enim, drachma missurae, gr. j. in aquae vncia, syropo violaceo mitificatus, si potatur bis, terne, in die, mira praestat in morbis incurabilibus. At prudenter, a prudente medico; abstine si methodum nescis! Sed RIBEIRA SANCHEZ hoc saeculo usum mercurii sublimati denuo restituit. Ille enim PHILIPPO FRID. GMELIN contra cancrum commendavit t), et SWITENIO contra luem gallicam u). Ab eo vero tempore frequenter adhiberi coepit mercurius sublimatus, et a multis in variis morbis praeter luem gallicam laudatus fuit, quorum omnium mentionem fecit Cl. BOEHM. v). Nemo autem magis laudavit mercurium sublimatum quam Cl.

GARDA.

s) Chem. P. II. p. 427.

t) v. GMELIN *diff. specif. meth. recent. cancrum sanand.* Tub. 1757. praefat.

u) *Comment. in Aph. &c.* L. B. 1772. p. 550.

v) In *diff. de varia syphilidis Therapia*, recuf. in *sylloge mea*, nec non in Cl. WITWER, *collect. diff. Argent.*

GARDANE *w*). Mercurium sublimatum mercatorum fraude arsenico albo contaminari, consentiunt SPIELMANN *x*), DOSSIE *y*), GAERTNER *z*) et WALBAVM *a*). Duo sunt imprimis criteria, quibus fraudem cognosci posse affirmarunt, odor scilicet mercurii cum arsenico mixti alliaceus *b*), si prunis inspergitur, et praecipitatio, siue per oleum tartari per deliquium, seu aliud alcali fixum *c*) immo etiam per alcali volatile *d*) quod tunc nigrum euadat praecipitatum.

Et habitu externo genuinum sublimatum a spurio distingui posse, Cl. GOTTLING monuit

w) Ex gallico eius liber germ. prodiit Aug. Vind. 1771. 8vo sed male. Praestat noua versio, Sorau 1777. 8vo.

x) Chem. p. 239.

y) Im eröffneten Laboratoriq.

z) In diss. cit.

a) Verzeichniss einer vollständ. Apotheke, Leipz. 1769. fqq. Tab.

b) SPIELMANN l. c.

c) DOSSIE.

d) GAERTNER et SPIELMANN l. l. cit.

nuit e), item aquam calcis certum sistere criterium, affirmavit, nam prouocat ad colorem aurantium praecipitati, quod per aquam calcis obtinetur. Quae monenda deinceps videbimus. Nouo experimento confirmatum legitur, mercurium sublimatum et arsenicum album noua sublimatione posse combinari f), simul vero exploratio mercurii sublimati per oleum tartari confirmatur, per aquam calcis vero dubia redditur. Post haec Cl. BÜCKING varia communicauit g), quae docent, diu iamiam adulterium sublimati cum arsenico notum fuisse, et BARCHVSENIUM criterium per oleum tartari suo iam tempore dubium declarasse, et postea Cl. BOVLDC nouis experimentis dubium reddidisse. Locum BARCVSENIII allegasse non poenitebit. Ille ait h): „*Miror*, cum maxime plerosque chemiae „auctores

e) Apoth. Alm. v. 1782. p. 149.

f) Apoth. Alm. v. 1783. p. 184.

g) N. Mag. für Aerzte, B. VI. St. I. p. 65.

h) Pyro sophia, L. B. 1698. 4to p. 194.

„auctores scribillantes, mercurium subl. falsi-
 „ficatum dignosci posse, si ei olei tartari per
 „destillationem facti, gutta vna et altera su-
 „perinstilletur, quodsi rubesceret, bonae in-
 „dolis, pessimae autem, cum nigresceret.
 „Verum omnis ferme corrosiuus, quantum-
 „uis optimus, primo flauam, post rubram,
 „et si diutius aëri exponatur, quadantenus
 „nigram contrahit maculam, quae haud quā-
 „quam ab arsenico proficiscitur. Arsenico
 „namque si adfunditur, nescio quotquot salis
 „tartari resoluti, non effervescent iugiter, et
 „ne minima quidem coloris albidi fit in alium
 „conuersio. Ergo hyberbolen sapiunt, opi-
 „nantes a macula illa fusca mercurio ab oleo
 „tartari impraegnata, ferre iudicium quem
 „posse adulterati mercurii corrosiui.”

Ad ea, quae Cl. BVECKING l. c. monuit,
 Cl. GOTTLING loco infra citato, nonnulla
 regeffit i) concedere tamen coactus fuit, non
 sufficere criterium per aquam calcis.

Dosis

i) Apoth. Alm. 1785. p. 193.

Est vero mercurius resoluendum medicamentorum princeps, mars autem inter roborantia primarium occupat locum.

Contraria itaque medicina hic combinatur, et sapienti quidem consilio. Etenim saepius in artis exercitio praestat, contrariam indicationem combinare, omnium consensu.

Interdum vis nimia resoluens mercurii pertinescenda est, interdum debilia sunt aegrotorum corpora, ut de conseruando augendoque robore, immo coercenda resolutione humorum a mercurio, cogitandum sit, illaque mixta indicatio poscat medicamentum eum resoluens, tum roborans simul, cui satisfacere videtur martis cum mercurio conubium. De hoc argumento doctissime olim iamiam disputauit laudatus Cl. HARTMANN g) et nuper Cl. NOSE h).

Aliam

g) In diss. qua martis cum mercurio coniunctionem vñibus practicis commendat. Hal. 1756.

h) Ueber die Behandlung des venerischen Uebels. Augsp. 1780. 8vo.

Aliam ob causam b. HIRSCHEL martis
vsum commendat iis, qui mercurium sumunt,
nimirum vt prohibeat, saltem minuat ptya-
lismum i).

Et haec quidem sunt, quae de mercurii
cum marte connubio innotuerunt.

Sequitur

Turpethum minerale,

seu Mercurius praecipitatus flavus.

Occurrit minera hydrargyri passim acido
vitrioli impraegnata, seu *Turpethum minerale*
nativum ii). Sed cum haec inter pharmaca
locum

- i) Briefe über versch. Gegenstände aus der
A. W. Erster Th. Berl. 1768. 8. III. Brief.
ii) v. WÖVLFF, experiments &c. in Phil.
Transact. Vol. 66. P. II. N. 43. et *seorsim*
Lond. 1777. 4to Germ. Peter Wolf,
Versuche über die innere Mischung einiger
Mineralien u. s. w. Leipz. 1778. gr. 8vo. Cl.
SVCKOW (iam Prof. Heidelb.) Mineralo-
gische Beschreibung des mineralischen Tur-
peths u. s. w. Manheim 1782. 8vo. Celeb.
BAUMER (Prof. Primar. Gießens.) Progr.
Historia mercurii cornei Hassiaci &c. Gieß.
1785.

locum non inuenire possit, mitto nunc hoc memorabile inuentum, nuper demum factum.

Turpethum artefactum, quod solum in medicina vsitatum, BASILIO VALENTINO iam notum fuisse, perhibent *k*), deinde vero ab OSWALDO CROLL clare descriptum *l*). Aliam methodum parandi Cl. POTT tradidit *m*), quae viliori pretio et ob rationes chymicas se commendat. Quod vero optimam conficiendi rationem spectat, illam nuper exactius tradiderunt viri Cl. BAYME *n*) et MACQUER *o*). Momenta praecipua haec sunt: mercurius viuus solui debet in acido vitrioli *concentrato*, igne simul feruido adhibito, et larga debet esse

k) Ita b. SPIELM. Chym. ed. alt. p. 157. et in diss. saep. cit. de hydrarg. ppt. int. effect. ap. Cl. WITWER, Vol. I. p. 184.

l) Basilic. chym. p. 205.

m) Miscell. Berolinens. T. V. p. 91.

n) Ert. exp. Chym. Th. II. p. 443. sqq.

o) Chym. Wörterb. Th. II. p. 624. et Th. IV. p. 346. prolixè.

esse portio olei vitrioli, non tamen nimia et superflua. Destillationis ope tunc abstrahatur acidum ad ficcitatem usque, igne aucto, ut vero calx mercurii obtineatur. Edulcoratio tunc aqua feruida toties repetenda est, donec aqua affusa sit prorsus insipida. Tunc demum affirmari potest, mercurium ab omni adhaerente acido vitrioli prorsus liberatum esse, salisque omnis expertem, — ut contra Cl. ROVELLE bene monuit Cl. BAVME, qui credidit Turpethum esse verum sal medium *p*). Etenim experimenta, quae Cl. BAVME cum probe edulcerato Turpetho instituit, docuerunt, ab omni acido prorsus esse purgatum. Erravit itaque b. SPIELMANN *q*) qui affirmat, in hoc praeparato decenter edulcorato acidum vitriolicum *unam*, mercurium *quatuor* partes absolvere.

Vsum medicum quod attinet Turpethi, ab antiquissimis inde temporibus contra luem galli-

p) l. c. p. 449.

q) Diss. cit. l. cit. p. 184.

gallicam seu praestantissimum medicamentum laudatum fuit. Sic lego apud BASILIUM VALENTINUM ^{r)} „Vitriolum mercurii, „in einem aqua fort aus Salpeter und Alaun „destilliret, so er darinnen solviret wird, so „schiessen Crystallen einem Vitriol ganz gleich. „Dasselbe wieder abluiret, und mit Spiritu „Vini, so zuvor mit seinem Sale Tartari rectificirt, alsdenn purificirt und zum süßen „Öel gemacht — ist eine edle Medicin ad „luem gallicam — curirt alte Schäden — „die Gicht, und viel Krankheiten — Eodem „loco ait quoque BASILIUS VALENTINUS: ”

Dieses Öel adjungiret man auch den martialischen Tincturen — vt pateat, iam antiquissimis temporibus notum fuisse turpethum. Multa colligit BOERHAAVIUS ^{s)} de Turpethi usu, cuius ope PARACELSVS miracula praestitit, quod SYDENHAMVS in Tr. de lue

D 3

venerea

^{r)} Schlußreden. Ed. Hamburg 1700. 8vo
p. 378.

^{s)} Chem. l. c. p. 428.

venerea in morbis maxime rebellibus laudat, BOYLE ceu Ptarmicum parcissima dosi dedit, eiusque usu cataractas sanavit, Femina quaedam, Parisiis declamatos restituit. In hydrope et tabe venerea ipse BOERHAAVIVS laudat.

Retulit amicus, b. GAVBIVM matronam quandam hydrope pectoris desperato laborantem, turpethi usu perfecte sanasse. Dosi vero parua exhiberi debet, cum sit medicina draastica, sic quidem, vt quarta pars grani vnius vna vice sumatur. Recentiori tempore ROBERT IAMES, medicus, in Anglia celeberrimus, in Hydrophobia dedit Turpethum minerale. Scripsit ille libellum *Cure of the Bite of mad Dogs*, et alterum: *on canine Madness* t). Monet autem IAMES, corporibus siccis turpethum nocere, phlegmaticis melius conducere.

Vesperum dedit turpethum a tribus granis ad octo, camphorae totidem, cum syrupo quodam

t) Vid. quoque IAMES in Abridgm. of the philos. transact. Vol. LX. p. 218.

quodam boli forma. Altera die repetiit eandem dosin — deinde post duarum dierum interuallum. Abstinit ab hoc remedio, imminente saluatione, donec haec iterum cessaret: vulneri simul applicuit drachmam vnguenti et vltra, ex aequalibus mercurii et pinguedinis partibus — Post duas, tres dies, si effectus saluationis nulli, balneum frigidum quotidie adhibuit. — Tunc tres denuo doses turpethi, sed minores, ad duo vel tria grana dedit, balneaque repetiit. Eandem methodum tribus vel quatuor periodis lunae redeuntibus adhibuit. Vult, sic praecaueri in homine et brutis, morbum posse, nisi quod brutis laetiores doses remedii sint exhibendae. Si vero morbus iam ingruit, inunctiones augendas esse, atque turpethi dosin sine temporis iactura offerendam esse etc.

WERLHOFII pilulae contra hydrophobiam recipiunt cantharidum gr. j. Turpethi gr. dimidium, Camphorae grana decem, et cum mucilagine Tragacanthae haec in pilularum

larum forinam omnia redigenda. Per integras septimanas sex WERLHOFFVS has pilulas dedit, simulque cauterium, cucurbitulas, et vnguentum mercuriale adhibuit.

Cl. LAYARD monet *u)* in corporibus irritabilibus, et spasmus iam affectis non conducere turpethum, cum irritatio, quae eius effectus est, semper noceat.

Cl. DARLVC eadem methodo qua Cl. JAMES *v)* vsus est. Nolo hic omnes nominare, quorum ASTRVC mentionem fecit, qui Sec. XVI. turpethum in morbo gallico dederunt.

*Mercurii in acido vegetabili solutio preparata,
hodie vsitata.*

Quis sit scopus scriptionis nostrae, aliquoties dixi iamiam. Epitomen scilicet mercurialium scribere coepi, in usum medicorum

u) Essay on the bite of mad Dog. Lond. 1762. 8vo.

v) V. VANDERMONDE, Journ. de la med. Vol. III,

eorum praxin ineuntium, et eorum, qui in academiis studium pharmaceutico-chymicum neglexerunt, ut pateat, quae hodie in usu sint pharınaca, mercurialia varia, et qua ratione conficienda sint, subiunctis nonnullis de horum usu veroque pretio.

Nimis itaque ab instituto meo foret alienum, si singulas mercurii solutiones in acido vario seorsim pertractare vellem, quae nondum inter pharınaca usitata locum inuenerunt. Mitto itaque solutiones mercurii in acido phosphori, spathi, salis sedatiui, succini, salis acetosellae, sacchari, citri, formicarum, et quae sunt reliqua, de quibus notatu digna annotauit Cl. MACQVER. Solummodo itaque sermo esto de solutione mercurii in *acido aceti* et *acido tartari*, quarum usus nuper in medicina frequens fieri coepit.

Nouum non est, encheiresi adhibita, mercurium in acido vegetabili solui posse. SPIEL-

MANNVS a) plurimum auctorum mentionem fecit, quibus artificium istud notum erat, quique in lue gallica mercurii solutiones in acido vegetabili iam olim laudarunt. E primis omnino PENOTVS b) fuisse videtur, post hunc vero ANT. MVSA BRASSAVOLA. Morbum Neapolitanum pellit, et alia mirabilia praestat, PENOTO teste.

Aliqua etiam de mercurii solutione in acido vegetabili habet Cl. FERBER c), in primis vero de terra foliata mercuriali, quam pharmacopola Parisinus FOVRCEY parare solet.

a) In Diss. de hydrarg. ppt. effect. ap. Cl. WITTWER, p. 190.

b) Habeo coram, auctore PENOTO, Tr. var. de vera praeparatione et usu med. chym. ed. tert. Vrsellis 1602. 8vo. Extat integer processus p. 34. Hunc locum exscripsit VON HORNE, von verschiedenen Methoden das Quecksilber in venerischen Krankheiten zu gebrauchen, &c. Leipz. 1782. 8vo. Sed Dosin omisit. Granum vnum exhibetur in vino, ait PENOTVS. Exhibetur autem ter in septimana.

c) Neue Beyträge zur Mineralgesch. saep. cit. P. 353.

let. Hoc deinum seculo quaestio saepius iterum mota fuit, nam praestat mercurio in acido vegetabili soluto uti? Dirissima enim luis symptoinata, non luis ipsius symptomata, sed potius mercurialium adhibitorum esse, non pauci affirmarunt. Crediderunt itaque acidum falis inprimis pessime nocere aegrotis, maxime vero ossibus, quibus hoc acidum infensum est, atque mitius agere mercurium cum acido vegetabili.

Nullum medicamentum recentiori aetate tantam famam sibi acquisivit, quam pilulae KEISERI d), quarum princeps ingrediens mercurius acido aceti impraegnatus. Scripsit integram diss. CL. DAVISON, de solutione mercurii vivi in acido vegetabili, eiusdemque

d) De his vide Hannov. Magaz. 98. St. 1765. et RICH. DE HAVTESIERCK Rec. d'obss. de Med. etc. T. II. Paris 1772. 4to. et germ. in Samml. auserlesener Abh. zum Gebrauche practischer Aerzte. Drittes St. Leipz. 1775. gr. 8vo S. 152. seq. MACQVER l. c. B. 4. p. 197. VON HORNE, l. c. p. 83. sqq.

que usu. L. B. 1767. Sed voti non particeps fieri potui, ut liceret oculis usurpare hanc dissertationem, etsi saepius amicos rogarem in terris belgicis ipsis, ut quouis pretio, siue exemplar, siue copiam eius mecum communicare velint. Occurrunt vero mercurii in acido vegetabili soluti species vna et altera tantum, quae nuper in praxi medica laudatae fuerunt, nimirum.

1) *Mercurius in acido aceti solutus.*

Huc pertinent pilulae KAYSERI, de quibus iam dixi.

Encheireses circa mercurii in acido aceti destillati solutionem obseruandas tradidit BAYMÉ e) et MACQVER f).

Mercurium per se calcinatum in aceto solui, STAHLIO non ignotum fuit, viro in chemia peritissimo g).

Facile

e) l. c. Th. II. p. 503. sqq.

f) l. c. Th. II. p. 124. et Th. IV. p. 164. sqq.
cf. simul NAVIER l. c.

g) v. MACQVER l. c. Th. II. p. 124.

Facile autem soluitur calx mercurii ope
acidi nitri facta, et per alcali praecipitata, in
aceto *h*).

2) *Mercurius in acido tartari solutus.*

Nominandi veniunt MONNET *i*) et PRES-
SAVIN *k*), qui hoc seculo istud praeparatum
prae ceteris laudarunt. Varia etiam tentami-
na instituerunt viri Cl. NAVIER *l*) et Cl.
MACQVER *m*) cum mercurio et acido tartari.
Sed omnino laus huius medicamenti fuit ni-
mia, quod prolixiori sermone imprimis de-
monstratum dedit VON HORNE *n*). Negari
quidem

h) MACQVER Th. IV. p. 164.

i) Misc. Taurinens. T. IV. Mélange de Phi-
los. &c. de Soc. R. de Turin et germ. im
neuen Hamb. Magazin B. 16. S. 429. in
Epitome MACQVER Th. IV. p. 230.

k) Tr. des maladies veneriennes dans lequel
on indique un nouveau remede pour le
guerir. Paris 1773. v. et Cl. GRVNER Aus-
züge B. 2. p. 59.

l) l. c. Recensita quaque leguntur apud ap.
Cl. MACQVER Th. IV. p. 228. 9.

m) Th. IV. p. 227. sqq.

n) Abh. von den verschiedenen Methoden
das Quecksilber in den venerischen Krank-
heiten zu brauchen, Leipz. 1782. 8. p. 156.

quidem nequit, idem praeparatum v. c. Mercurium acido tartari impraegnatum, varia methodo elaboratum, diuersis gaudere qualitatibus o), sed num istud discrimen sit tanti momenti, vt effectus in miasinatae corrigendo sit maior dubia res manet. Nuperrime Cl. MATTHIEV p) in hydrophobia Turpethi mineralis grana octo exhibuit per aliquot dies, cuius vim drastice aceto corrigere allaborauit.

Huc etiam pertinet solutio mercurii et cupri in aceto, quod praeparatam perperam audit

Mercurius praecipitatus viridis.

Seorsim soluuntur in acido nitri mercurii partes quatuor, et cupri pars vna in eodem acido, et euaporatione ac calcinatione menstruum abstrahitur, deinde vero in aceto destillato

o) MACQVER l. c. Th. IV. p. 233. monente Cl. LEONHARD.

p) Hist. de la Soc. R. de med. A. 1779. Par. 1782. 4. simul externe adhibuit vnguentum mercuriale.

stillato solui debent haec metalla, et euaporatione ad siccam consistentiam redigenda sunt q) LEMERY huius praeparati iam mentionem fecit r).

Laudat ille hoc praeparatum tam interne, quam externe in gonorrhoea maligna inueterata, contra bubones et condylomata. Interna dosis grana sex, forma pilularum vel boli. Perperam dici praecipitatum, iam monet LEMERY, qui de usu etiam multa adiecit.

Mercurius in Alkali solutus.

Mercurium in alcali solutum ad luem facandam passim commendatum legimus s). Fuit autem ratio haec. Quum acida mineralia, quale acidum salis communis, corpori humano sint inimica, maxime ossibus ipsis, ut metuenda sit ex nimia copia huius acidi in

q) MACQVER l. c. Th. III. p. 635.

r) Cours de Chymie, germ. ex noua ed. gallica, Dresd. 1698. 8. p. 342. sqq.

s) SPIELMANN in diss. cit. §. 9, ap. Cl. WITWER l. c. p. 192.

in corpus ingesti, ossium corrosiuo, aliud quaesiverunt menstruum, quod mitius ageret, nec adeo corrosivum.

Varia symptomata luis tanquam effectus mercurialium adhibitorum non pauci considerarunt, qua de re LVDOLFVS integram scripsit dissertationem *t*).

Idem itaque mercurium cum alcali solutum cœu tutum specificum antiuenericum commendat *u*). Sed de solutione mercurii in alcali monendum, quod de eius solutione in acido vegetabili iam dictum fuit, scilicet per se vix solui mercurium ab alcali, tam fixo, quam volatili *v*), sed solutionem in acido minerali ab alcali affuso deiici, mox vero ab
alcali

t) Demonstratio, quod atrociissima luis venereae symptomata non sint effectus morbi, sed curae mercurialibus iustitutae. Erford. 1747.

u) Diss. de mercurio per alcali soluto tutissimo specifico antiuenerico. Erford. 1747.

v) BAYMÉ l. c. Th. II. p. 507. MACQVER, l. c. T. IV. p. 162. in annot. Cl. LEONHARD.

Dosis, qua mercurius sublimatus in medicorum libris praescribitur, non eadem fuit omni tempore, sed admodum varia; saepe magna et vix iinitanda. Nec menstruum semper idem fuit. Formula Cl. SANCHEZ iubet spiritum frumenti eligere, alii spiritum vini, alii spiritum sacchari et aquam *k*), alii aquam solam, v. c. BLANCARD et TURNER *l*).

BLANCARDI formula maximam continet mercurii copiam, scil. drachmam integram in aquae communis unciiis viginti solutam. Dosis erat diebus alternis cochlear unum.

BOERHAAVII dosis erat $\frac{1}{4}$ grani, SANCHEZ et SWIETEN gr. vj. in lb. j. spiritus frumenti solvere iubent.

BIERCHEN combinavit formulam SWIETENII et PLENCKII simul *m*),
nempe

k) DVBOSQ de la ROSEARDIERE, v. Gött. Anz. 105. St. 1777.

l) Syphilis, p. 99.

m) Vid. ROSENSTEIN in libro notissimo.

nempe grana vj. sublimati cum drachmis duabus mercurii gummosi in decem vnciis menstrui, aqua scil. fontan. vjij. et cinnam. jj. vnciis, — fyrupi Alth. vncias duas addit. ROSENSTEINIO haec compositio magis placuit, quam ipse mercurius dulcis. Minor certe menstrui copia in hac formula sufficit. Solutionem aquosam praestare Cl. CRELL ⁿ⁾ testatur.

Pilulae IACOBI decem continent granum vnum mercurii sublimati in aqua soluti, et tres vna vice, mane, vesperi propinantur.

Sed plura exempla docuerunt, has pilulas sero interdum non solutas vomitu iterum eiici.

Iam sufficiat generatim egisse de mercurio sublimato, nam suo loco de mercurialium vario usu medico seorsim dicam.

Sed de

Aqua Phagedaenica (Φαγέδαϊνικὰ

hic

ⁿ⁾ Mag. v. Aerzte, St. 7.

hic quaedam annotanda sunt. Ad ulcera antiqua, insanabilia, vulgo adhiberi solet. LEMERY sublimati drachmam dimidiam in libra integra aquae calcis solvere iubet o). Idem medicamentum externum appellatur etiam

Aqua diuina Fernelii,

et, si aloes drachmae sex, mellis vncia et dimidia admiscantur, audit

Aqua mercurialis Zwoelfferi.

MOSES CHARAS p) aquam phagedaenicam miscet ex aquae calcis libris tribus, spiritus vini rectificati libra dimidia, et mercurii sublimati corrosiui vncia dimidia, Sed addit: „haec proportio stricto iure non obseruanda est, sed huius vel illius minor aut „maior dosi fieri possit.”

Pharmacopoea Wirtembergica, quam nunc a fordibus et quisquiliis purgabit Cl.

WIEG-

o) Cours de Chymie.

p) Pharm. reg. Geneu. 1684. Tom. II. p. 204.

WIEGLEB, ad libram vnā calcis viuac
sumit drachinam vnā mercurii. Optime
vero Cl. CRELLIVS, aquam phagedaeni-
cam considerata esse aut tanquam aquam
calcis, aut tanquam calcem mercurii, et vl-
timum solummodo locum habere. Etenim
quantum calcis in aqua soluitur, tantum mer-
curii decomponitur, propter acidum cum calce
affinitatem. Ea itaque portio calcis metal-
licae praecipitatur.

Melius itaque, mercurium sublimatum
pro vsu externo in aqua soluere, nam aqua
calcis non semper sibi similis.

IV.

Mercurius dulcis. Calomel.

Quis primus omnium huius medicamenti
meminerit, definire vix atdeo. Neutiquam
vero, vt vult SPIELMANNVS, alnigmatice de
illo scripsit CROLLIVS a), qui scilicet huius
medi-

a) Basilica chym. Geneu. 1658. 8vo p. 66.

medicamenti minime auctor habendus est, quod QVERCETANO et BEGVINO antea iam iam notum. Hoc certum est, recentiori tempore mercurium dulcem fuisse inuentum, cum a saeculo IX. inde mercurius sublimatus corrosius iam notus et in usu, dulcis vero nifallor, vix ante QVERCETANVM b). Vtrumque praeparatum est mercurius acido salis communis impraegnatus, sed proportio differt. — Si mercurius maximam partem acidi continet, corrosius est — *Draco Volans*. Si maxima copia mercurii, minima acidi, tunc appellatur comparatiue dulcis. Ea tamen sit proportio, vt salis dotes habeat mercurius. Antiqua methodo mercurius sublimatus corrosius, et copia mercurii viui trituratione miscebantur, et haec miscela noua sublimatione, eaque repetita, arctius iungi debebat, vt acidum magis iners fieret.

Proportionem mercurii sublimati et viui variam in variis libris praescriptam legimus.

C 3

Subli-

b) QVERCETANVS rediuiui. a IO, SCHROEDER, Frft, 1644. 4to p. 656.

Sublimati plerumque pars vna, viui partes tres. Sed bene monet Cl. LEONHARDI *c)* pro varia bonitate mercurii "corrosiui" maiorem vel minorem copiam mercurii viui adiciendam esse, donec globuli mercurii viui prorsus dispareant.

Criteria mercurii dulcis genuini haec sunt, vt sit saporis expers, vt nihil in aqua solubile sit, quod per oleum tartari per deliquulum, vel alcali volatile praecipitetur.

Calomel splendet et in lamellas diuidi potest. De aliis criteriis vid. Cl. LEONHARDI in not. ad MACQVER Dict. *d)*. Aliud criterium mercurii dulcis genuini commendat Cl. WIEGLEB *e)*. Miscentur partes aequales mercurii dulcis et alcali fixi, nec non exigua portio pulueris carbonum. Haec cupro fuso in crucibulo addita, si cupri colorem non mutant, mercurius dulcis genuinus est.

Alia

c) Nota ad MACQVER Dict. P. IV. p. 203.

d) P. IV. p. 209.

e) Apoth. Alm. 1785. p. 197.

Alia methodus mercurium dulcem conficiendi a Cl. CORNETTE proposita legitur *f)* ex mercurio viuo et calce mercurii in acido nitri soluti et per alcali praecipitati.

Alia proportio miscendorum largitur mercurium sublimatum corrosiuum, alia vero, dulcem, scil. si dupla portio mercurii eligitur *g)*. Ex mercurio sublimato loto et deinde iterum sublimato Cl. DESAIVE mercurium dulcem elaborare praecepit.

Amstelodamensium methodum descripsit Cl. FERBER *h)*, Si methodo vulgari ex miscela mercurii sublimati & viui, noua sublimatione, dulcis elaboratur, encheiresis vna et altera non erit superflua. Et primo quidem trituratione minori periculo perficitur, si aqua humectantur. Sublimatio igne non nimis violento debet absolui, ne sublimatum nigrescat.


C 4

Vasa

f) v. CRELL ch. Journ. Th. V. p. 138.

g) SPIELMANN Chym. 237.

h) l. c. pag. 352.



Vasa vitrea, dum sublimatio suscipitur, non obturanda sunt, nisi prius omnis aqua iterum expulsa. Sublimatio saepius institui solet, ut eo melius perficiatur mercurii cum acido salis unio.

Sed aliquando prima sublimatio iam exhibuit mercurium dulcem optimae notae, teste POERNERO i). SPIELMANNVS ait k) sicuti haud videmus, quid iteratae sublimationes in evahendis mercurii dulcibus vinbus queant praestare, ita miramur, Chemicos Hydrargyrum, quod dulce desiderant, demum ex corrosivo parare, et non statim acido salis adicere omnem mercurii quantitatem, quam potest recipere.

Mercurium dulcem sexies sublimatum appellant *Calomet*, et novem vicibus repetitis sublimatum *Panaceam mercurialem*.

Vnica

i) V. et MACQVER l. c. p. 203.

k) In diss. de Hydrarg. ppt. int. effect. §. 7. Collect. Cl. WITW. p. 190.

Vnica sublimatione BAILLEAV iam olim mercurium dulcem praeparare docuit *m*). Bene docuit Cl. BAYMÈ *n*) nimis repetitam sublimationem mercurium dulcem iterum corrosivum reddere, nam quavis repetita sublimatione aliqua copia mercurii volatilis redditur et aufugere solet, vnde acrimonia iterum augetur.

Cum nec repetita sublimatio mercurium corrosivum in perfecte dulcem convertere possit, suo iam tempore ZWOELFFERVS praecipit mercurium dulcem super porphyritem tritum, aqua calida abluere, et denuo exsiccare *o*). Eandem operationem BAYMÈ commendat *p*). Historiam mercurii dulcis Cl. BERGMANN recensuit *q*). Cl. SCHELE no-

C 5

uam

m) V. CRELL, ch. Journ. Th. V. p. 138.

n) V. et MACQVER l. p. 208. Tres sublimationes MACQVER praescribit, etiam DOSSIE.

o) V. et SPIELM. diff. cit. p. 180. l. c.

p) V. et MACQVER, l. c. p. 209.

q) Act. Suec. Vol. 34. et Cl. CRELL N. Entd. I. p. 76. De criteriis vid. Apoth. Alm. 1783. p. 70.

uam methodum proposuit, *Via humida* mercurium dulcem sine sublimatione, per modum praecipitationis potius, conficiendi r). Soluitur nempe libra mercurii dimidia in eadem quantitate acidi nitri. Ebulliat per aliquot horas in balneo arenae.

Alia solutio ex nouem vnciis salis communis in aquae fontanae libris sex vel octo feruida facta, misceatur cum priori sub agitatione perpetua.

Facta praecipitatione fluidum supernatans separatur, et aqua feruida affusa edulcoratio tam diu continuatur, donec aqua prorsus insipida sit gustu explorata.

De cautelis necessario obseruandis, et de praestantia mercurii dulcis, per praecipitationem via humida, consulendus est ipse inuentor

r) Schwed. Abh. B. 40. von 1778. v. quoque in Apoth. Alm. 1781. p. 32. et Cl. CRELL N. Ent. VI. p. 160. MACQUER, l. c. p. 210. in not. Cl. LEONH.

uentor huius methodi. Mercurius dulcis per sublimationem elaboratus chemicis appellatus fuit *Aquila alba*, et aqua ablutus calida *Manna Mercurii*. Alii praecipitatum album mannam mercurii appellarunt. Mercurius dulcis in mercatorum tabernis arsenico etiam adulteratus reperitur. Eodem modo cognoscitur fraus, quo exploratur bonitas sublimati corrosiui.

Mercurius dulcis est medicina pauchresta et polychresta, quae sui similem vix habet in vniuersa materia medica et pharmacia. Praescribitur vulgo, cum ptyalifinus desideratur, sed aliis etiam vsibus optime inseruit, et modo cum absorbente, saccharo, praescribitur. In morbis venereis, contra lumbricos rotundos, in hydrope et quartana rebellis efficacis est medicamentum.

Infantibus tenerioris aetatis, aut nutriti nonnunquam praescribitur. Sed tamen omni periculo non caret hoc praestantissimum medicamentum.

dicamentum, nam ab eius usu interdum tormenta vehementiora aliaque pessima symptomata observata sunt.

Legi casum tristem, mortis nempe a mercurio dulci s). Insigne anthelminticum est mercurius dulcis cum camphora simul exhibitus.

FRIDERICVS HOFMANNVS, immortale decus Germanorum, meliores nonnullas formulas in med. rat. syst. communicavit, in primis vero formulam pilularum anthelminticarum, quarum ingredientia sunt: mercurius dulcis, extractum tanacetii — alia extr. amara — myrrha, assa foetida, camphora, extr. flor. cham.; ol. destill. Rutae.

Optime medentur morbis a verminosa cachexia ortis. In morbis chronicis, vbi pituita

s) M. E. W. Med. D. de mercurio dulci pulverato, quem adolescens quondam XV. annorum mense Iun. 1702. ad grana XV. hausit, ast sexto post haustum die vitam finivit. Quedlinburgi, 1703. 8vo.

tuita multa eliminanda , commode satis ialappae radix , aloë , similia , cum mercurio dulci simul solent praescribi.

Plures formulae morfulorum anthelminticorum passim occurrunt , quae mercurium dulcem continent.

Boli forma mercurius dulcis , dentibus inimicus , sapienti consilio praescribitur.

Mercurii dulcis granum vnum cum saccharo mixtum , partitis vicibus vt ptarmicum , naribus excipere suadet Cl. SCHMUCKER in Amaurosi.

Notum est medicamentum vñtatissimum *Pulvis alterans Plummeri* , ex mercurio dulci et sulphure aurato antimonii , ad partes aequales longa trituratione mixtis. Vnicus Cl. TODE damnauit t) qui noxios effectus huius medicamenti se obseruasse affirmat. Sit fides penes auctorem. Nunquam ego at eius vñu malum effectum obseruaui , qui ab anno 1764. frequenter praescripsi cum cicuta STOERCKII.

PRO.

t) Bibl. P. I. p. 203.

PROGR. II.

CASSELLIS, D. XIII. AVG. 1785.

Supereſt e ſalino-mercurialibus pharmacis
vnum; nuper demum inuentum, ſcilicet

Mercurius dulcis martiatus,

cuius hifloriam et vſum medicum, data nunc
opportuna occaſione, breuiter atque ſtrictim
enarrabo. Diu notum erat phyſicis, mer-
curium, qui cum variis metallis amalgama
facillime fiſtit, cum ferro per ſe nunquam
in amalgama coire *a*). Martis cum mer-
curio coniunctionem nullo modo poſſe ob-
tineri, nimis audax edixit Cl. B A V M è *b*).
Ignorant enim Galli merita et inuenta chy-
mica Germanorum, atque ſe ludibrio expo-
nunt

a) — His modis, ſine iactura, fit Amalga-
ma de omni metallo. FERRVM exceperis.
— BOERH. Elem. Chem. Edit. Lipſ. 1732.
T. II. p. 434.

b) Erl. experim. Chym. Th. II. p. 694.

nunt c). Et tamen verum est, diu iamiam in Germania varia instituta fuisse tentamina circa martis cum mercurio coniunctionem.

Teste Cl. POTT d) suo tempore CARDILVCIVS martis atque mercurii sublimati aequales partes aqua solvere, evaporare, sublimare iussit, atque sublimatum rubrum obtinuit. Sed verus inuentor mercurii dulcis martiati est vir Cl. PETR. IMAN. HARTMANN, med. Prof. Frfti. ad Viadr. in chemia et vniuersa med. eruditissimus e). Paratur autem ex residuo florum salis ammoniaci cum lapide haematitide, et mercurio viuo triturationis et sublimationis ope. Ratio haec est: acidum salis communis in sale ammoniaco delitescens cum mercurio viuo dat mercurium

c) Neues Magazin für Aerzte, B. VII. St. III. p. 279. vbi lepida occurrit narratio de stupenda Gallorum ignorantia et arrogantia.

d) De sale communi p. 61.

e) Diff. de Mercurio dulci martiali, eiusque praeparatione et vsu medico. Frfti ad Viadr. 1773.

rium dulcem, simul vero sal ammoniacum haematitidem in subline rapit, ut oriatur omnino mercurius dulcis cui simul mars inhaeret.

Varia quae miscendorum proportionem, obseruandam concernunt, l. c. p. 18. leguntur.

In Gallia ipsa A. 1760. et 1764. PETRVS TOUSSAINT NAVIER, vir Cl. de mercurii cum marte connubio experimenta varia instituit f).

Constat itaque, quod negauit Cl. BAVMÉ, martis et mercurii connubium, plus una ratione obtineri posse.

Est

f) Leguntur in Mem. de l'Ac. des Sc. de Paris T. VI. et germ. vertente Cl. WEIGEL, in NAVIER Gegengifte B. II. Gryphisw. 1782. 4to. Erörterung verschiedener Mittel, das Quecksilber mit dem Eisen innig zu verbinden, und einer neuen Weise, das Quecksilber, ohne Beyhülfe einer Art Säure im Wasser auflöslich zu machen, nebst practischen Betrachtungen über die Wirkungen dieser Bereitungen in verschiedenen Krankheiten.

alkali iterum solui. Requiritur vero, ut acidum copia sit larga, cui alkali solutum admisce-
tur. Alkali volatile inprimis hoc modo lar-
gam mercurii quantitatem soluit, immo mer-
curius ex acido nitri per alkali fixum praeci-
pitatus, ab alkali volatili soluitur.

Alibi occurrunt observationes et tenta-
mina, quae Cl. CADET x), cum mercurio
in acido nitri soluto, et admixto spiritu vini
per destillationem et sal alkali fixum, scilicet
tartari fecit. Obtinuit ille alkali volatile, sal
volatile siccum, et oleum odoris bituminosi.
In ipso demum alkali volatili auxilium no-
uum contra luem gallicam inuenisse, conten-
dit Cl. PEYRILHE y). De vero usu eius at-
que efficacia v. HORNE docte satis scripsit z).

Mer-

x) Mem. de l'Ac. des Sc. de Paris A. 1769.

y) Remede nouveau contre les maladies ve-
neriennes, tiré du regne animal; ou essai
sur la vertu antivenerienne de l'alkali vo-
latil, par b. PEYRILHE, Maître en Chirur-
gie de Paris. Ib.

z) l. c. p. 173. et sqq.

Mercurius gummosus Plenckii.

Quum haud pauci medicorum pertinere-
 fcerent acrimoniam praeparatorum salino-
 mercurialium, solertiori studio de alia me-
 thodo exhibendi mercurium sine salibus, co-
 gitavit Cl. PLENCK, atque nouum inuentum
 suum publici iuris fecit a). Subegit ille mer-
 curium triturationis ope cum mucilagine gum-
 mi arabici, et varia forma propinauit.

Nouam hanc methodum exhibendi mer-
 curium praestare ceteris, variis argumentis
 demonstrat.

Refor-

- a) Methodus noua et facilis, argentum vi-
 uum aegris venerea labe infectis exhiben-
 di &c. Vindob. 1766. 8vo. A new and
 easy method of giving mercury, by J.
 PLENCK, translated from the latin by W.
 SAVNDERS. 3. edit. Lond. 1772. Animad-
 uersiones Cl. SAVNDERS in hunc libellum,
 leguntur etiam in Sammlung auserlesener
 Abhand. zum Gebrauche practischer Aerz-
 te, 3. B. 3. St. Leipz. 1777. 8vo p. 405. sqq.
 Altera et tertia editio libri PLENCKII aucta
 est. Prodiierunt etiam germanice. Porro
 prodiit: Methode neuve d'administrer
 le vis-argent — ouvrage traduit du latin
 de Mr. PLENCK, par Mr. LA-FLIZE, —
 à Nancy.

Resorberi facile per vasa lactea ad massam sanguinis, deesse acrimoniam, ptyalismum non oriri, si hac ratione exhibeatur, praecipua videntur. Taceo reliqua, et nouam hypothesein de mercurii agendi modo in corpus humanum. Ipse Vir Cl. in libello suo nonnullas formulas mercurii gummosi communicauit, et alibi nuper b).

Ex primis fere, quibus arrisit haec noua methodus exhibendi mercurium, fuit Cl. HERZOG c).

Grauem vero inactus aduersarium Cl. PLENCK, medicum olim Berolinensem LEONH.

b) In libello eleganti et docto, doctrina de morbis venereis. Vienn. 1779. 8vo. quod etiam germanicè prodit.

c) Diff. de morbo articulari &c. Helmstad. 1768. Is ait p. 84. Berolini in Nosocomio regio haec medicina cito inualuit, vtilitate sua in morbis venereis longe commendatissima — incredibilem huius medicamenti efficaciam in *centum* amplius aegrotis feliciter, iisque sine omni molestia remedio illo sanatis, grata in optimum Plenckium pietate admiratus sum, eandemque eius etiam virtutem nuper expertus in arthritica &c.

ONH. EL. HIRSCHEL *d)*. Censurae etiam subiecit Cl. WYNOLD MÜNNICKS *e)* pharmaca Plenckiana. Monet autem varia contra affinitatem gummi arabici cum mercurio a Plenckio stabilitam, observationes a Viro Cl. consignatas mancas declarat, et affirmat, ab usu remediorum PLENCKII saepius ortam fuisse saluationem, quam obseruarunt etiam Viri Cl. HERZOG et SAVNDERS. Doctas animaduersiones suas deinde nobiscum communicauit Cl. HARTMANN *f)* et idem Plenckii liquorem mercurialem contra vermes laudat *g)*.

Tandem

d) Beyträge zu seinen Betrachtungen über den innerlichen Gebrauch des Mercurii sublimati corrosiui — nebst einem Schreiben gegen H. PLENCK Tr. methodus noua &c.

e) Diss. de lue venerea, eiusque praecipuis auxiliis, inter quae ZWIETENII ac PLENCKII remedia potissimum examinantur. L. B. 1769 4. mai.

f) Diss. cautiones nonnullae ad liquoris mercurialis PLENCKIANI usum spectantes. Frfti. ad Viadr. 1769. resp. SOMMER.

g) Progr. de liquoris mercurialis PLENCKIANI virtute anthelmintica, ib. 1770.

Tandem et Cl. ODHELIVS tentamina sua cum mercurio gummoso instituta recensuit *h)*. Plenckiani medicamenti docta diiudicatio legitur apud Cl. von HORNE *i)*.

ROSENSTEINII combinatio mercurii corrosivi et mucilaginosi supra iam fuit allegata *k)*,

Commendat PLENCKII pharmaca indoles blanda et mitis, sed omnium consensu aequae facile saluam mouent, quam reliqua mercurialia omnia, et negari nequit, mixtionem mercurii cum mucilagine gummoso facile iterum destrui, ut quotidie noua portio liquoris in pharmacopolarum tabernis conficienda sit, ne incerta fiat dosis mercurii, et ut facilius subeat vasa lactea.

Et haec quidem sunt praecipua pharmaca mercurialia, quae interne adhibita ex lon-

h) vid. Schwed. Abh. B. 32. von 1770.

i) l. c. p. 135, sqq.

k) vid. Ei. liber de morb. infant. ed. quarta, Cap. de lue venerea.

go tempore. Mitto permulta obsoleta externa mercurialia, quae hodie nunquam adhiberi solent, et de vnico dicam, quod externe frequentius adhiberi solet nostra aetate. Est vero

Vnguentum Neapolitanum, hodie dictum.

Antiquissimus videtur vsus vnguenti mercurialis teste FREINDIO a). Is enim ait: „constat mercurii potestatem (per saluationem curare morbum gallicum) etiam cum inungetur, Theodorico fuisse cognitam, quippe qui varia huiusmodi vnguentorum describat, ac regulas proponat, quam diu, et quam saepe vntio continuari debeat, usque dum fluxus incipiat, aegrum item cauere iubeat, ne per medelae tempus frigori se obiciat, neque lauetur intra quadragesimum diem.”

Plurium auctorum meminit ASTRUC b),
qui

a) In hist. med. in Opp. Paris. 1734. 4to m. p. 524. Editiones Chirurgiae THEODORICI recensuit b. HALLER, in Bibl. Chirurg. T. I. p. 146.

b) De morb. vcnere, ed. alt. Paris. 1740. 4to. Th. II. vid. Index tit. vnguent. mercurial.

qui ab ipso luis venereae ingressu vnguenta mercurialia adhibuerunt, ab anno certe 1496. sed omnes fere formulae illorum temporum erant compositae, et superfluis, immo noxiis rebus nimis onustae.

Placuit deinde et nostra inprimis aetate, vnguenti forma simplicissima, ex Axungia porci lota et mercurio. Ad meliorem globulorum mercurii extinctionem sufficit salivae sani hominis, aut terebinthinae q. s.

BAYMÉ annotavit, axungiam in connubio mercurii brevi temporis spatio rancidam fieri. Non diu itaque in officina pharmaceutica istud vnguentum asseruari debet, sed praestat recens.

Proportio vero miscendorum in singulis fere Dispensatoriis occurrit alia. Sumunt alii, v. c. Parisini, mercurii et axungiae partes aequales, quae proportio etiam in dispensatorio Argentoratensi et Wirtembergensi praescripta leguntur.

ROSENSTEINIVS aliique sumunt mercurii p. j. axungiae p. jj. immo alii axungiae p. jjj — jv. Facile autem intelligitur, copiam axungiae non esse debere nimiam. Iunioribus medicis hoc scitu necessarium est, quae proportio sit formulae officinalis, cum definire velint copiam vnguenti illinendi: Multum enim interest, qua copia quotidie mercurius applicetur frictione.

CL. DESPATVREAVX commendavit camphoram, vnguento mercuriali adiiciendam, et affirmat camphoram cohibere vim mercurii sialalogam, non vero destruere vim antisyphiliticam. Ait ille, se observasse, per vncias octodecim ad summum, luem fuisse sanatam, sine omni salivatione c).

Pro

c) *Missa*, diss. resp. DESPATVREAVX auctore, E. lui venereae Hydrargyrus camphoratus, affirm. Paris. 1756. recusa in Collect. disp. pr. HALLERI — et germ. à Cl. CRELL in Sammlungen — B. I. p. 492. Gallice in VANDERMONDE: Journ. de Med. et germ. Samml. &c. B. IV. Frft. et Lips. 1760. p. 359.

Pro mercurio camphorato militant Cl. RAISIN *d)* et Cl. CORDET *e)*. Sed VOGELIUS, COLOMBIER, Cl. BLOCH *f)* affirmarunt, camphoram non impediuisse ptyalifmum.

Primis sex diebus inungere iubet DESPATVREAVX vnguenti drachinas duas, deinde vero diebus alternis vnciam dimidiam.

Monet simul, b. FR. HOFFMANNO iam cognitam fuisse virtutem camphorae antisyphiliticam *g)*, quam et nuperi laudant *h)*. Sed circumspectum usum Cl. COLLIN *i)* sqq. verbis commendat: „*Lue venerea laborantes*
„*a Camphora, magna dosi data, male habent:*
„*spasmi corripuntur, convulsiones minitanti-*
E 5 „*bus*

d) VANDERMONDE, germ. Samml. B. V. p. 472.

e) VANDERMONDE, germ. Samml. B. VI. p. 153. Habet proprias obs.

f) v. Cl. CRELL l. c. p. 593.

g) v. Ei. diss. de Camphorae usu interno.

h) v. Cl. CRELL l. c.

i) Obs. P. III. Camphorae Vires. Vienn. 1773. 8vo. p. 148.

*bus, excitatur inde in illis febris, et varia alia
symptomata. Si tamen in humoribus iam na-
ta sit putredo, his etiam prodest.**

Vnguenti mercurialis s. neapolitani usus maxime frequens fuit ad luem gallicam et hydrophobiam sanandam. De adhibendi methodo infra sermo esto. Hic sufficiat generatim dixisse, consilio tantam quantitatem interdum inungi, donec oriatur ptyalisinus, interdum vero minorem longe copiam, omni- que studio praecaveri ptyalisinum.

Per *extinctionem miasmatis* curare morbum syphiliticum, hanc medendi rationem ap- pellant. Hanc tribuunt plerique Cl. CHICOY- NEAV, olim Prof. Monspeliensi, inuentori, et ad Annum 1718. referunt *k*).

Sed

k) In diss. Frictiones mercuriales ad curan- dam luem veneream non sunt adhibendae in hunc finem, vt salinae fluxus excitetur, Monspel. 1718. Possideo anglicem versio- nem: CHICOYNEAV, the Practice of Sali- vating

Sed recte moruit b. HALLERVS, methodum, quam Cl. CHICOYNEAV inuentori tribuunt, iam 1709. in Heluetia adhibuisse Cl. IO. CONR. à BRAVN 1). Nolo hic de commodis aut incommodis inunctionis, vtraque methodo differere, nec de inunctione, quam in ore ipso commendauit Cl. CRVVKSHANK, aut de ptyalifini plenioris vel parioris infortuniis,

vating shewn to be of no use or efficacy in the cure of the Venereal Disease, but greatly prejudicial thereto, or the antivenereal virtue of Mercury prov'd to be independent of any saliva evacuation. With the method of Applying it, so as to obtain it's full Force, and a thorough cure, without, infinitely better than with the Tortura of Salivation. Thy whole abundantly supported from Experiences and Matters of Fact. Lond. 1723. 4to.

- 1) Prodiit viri doctissimi opus posthumum: diss. med. de methodo tuta et facill, citra saluationem curandi luem venereum, quam experimentis et obss, pract. firmatam et illustratam, olim sibi comparauit b. m. IO. CONR. à BRAVN, Prof. quondam Heidelbergensis etc. nunc publici iuris facere decreuit, IO. IAC. filius. Scaphusii 1739. 4to vid. et ASTRVC T. II. p. 1090. iniunctiones partiales à primis fere temporibus adhibitas fuisse — &c.

tuniis, de quibus infra dicendi locus erit. Hoc tamen hic praeterire nequeo, Cl. GARDANE *m*) multis argumentis damnaſſe omnem inunctionem vnguenti huius.

Cutim ait ille, obſtruit vnguentum mercuriale, impedit inſenſibilem tranſpirationem cutis, vt mirum non ſit, impetum humorum verſus glandulas oris dirigi, atque ptyaliſimum oriri. Febrim accendit cutis obſtructio, vnde humorum ad putredinem uſque fuſio, faucium inflammatio, deglutitio difficilis atque ſuffocationis metus, et centum alia ſymptomata, quae inuunctioni omnia debentur. Euiluit iamdiu iterum methodus inungendi in ore ipſo, a Cl. CRVIXSHANK propoſita. Hic ſolum de praeparatis mercurialibus loquor, infra vero de ſingulis morbis dicam, in quibus mercurii virtus laudata fuit

m) Prodiit germ. ex gall. GARDANE über die verſchiedene Arten die Luſtſeuche zu heilen. Augſp. 1771. et melior verſio, Sorau 1777. 8vo.

fuit vnquam, vbi etiam sermo erit de vsu topico vnguenti mercurialis.

Iam agmen claudat historia

Emplastri mercurialis.

Nobis hic otium fecerunt viri litteratissimi, b. van SWIETEN, qui in commentariis meminit, cingulis variis et armillis, externe applicatis, saeculo XVI. illiusque primis annis, iam luis sanationem multos suscepisse, et eruditissimus ASTRUC, qui de emplastris mercurialibus eorumque vsu ad luem sanandam, fere omnia exhaustit, vt nullum fere superlis spicilegium.

Oscitanter legit, vt Galli solent, opus b. ASTRUC, Cl. von HORNE ⁿ⁾, qui ait b. ASTRUC ad Annum 1553. retulisse vsum emplastrorum mercurialium. Si legisset, quae antea T. II. p. 620. ASTRUC de IO. VIGONE scripsit, cuius Chirurgia prodiit 1514, non ignorasset, longe ante 1533. emplastra mercurialia

ⁿ⁾ l. c. p. 222.

curialia in usu fuisse — immo diu ante annum 1514, quod iamiam ex indice operis b. ASTRUC patet, modo voluisset indicem euoluere — quod tamen facere solent, qui vix primis labris gustarunt artis cuiuscunque historiam — Emplastrum ro. de vigo, aut ceratum potius, maximam adquisiuit famam, diuque in usu fuit, ad recentiora vsque tempora.

Bene ait l. c. beatus ASTRUC, emplastra vicaria sunt inunctionis, sed tardius operantur — et bene dixit b. van SWIETEN, incertam esse copiam mercurii resorpti, eamque ob causam vix diu cingulis et armillis curam luis in usu fuisse, cum melior innotesceret statim methodus propinandi mercurium. Emplastrorum mercurialium praecipua fata, fuerunt haec, vt in singulis formulis, quarum exempla fere innumera ex tot libris pharmaceuticis ego colligere nolim, quantitas mercurii sit admodum varia, modo minor, modo maior. Ipse vigo habet emplastrum

plastrum de Ranis cum [mercurio, duplicatum, triplicatum, quadruplicatum. Aliam proportionem praecipiunt Edinburgenses, Londinenses, caeterique. — Sed in eo consentiunt omnes, tardam esse efficaciam emplastrorum — nam mercurius, quem tenacia inuoluunt, difficulter et sero demum resorbetur, emplastra cutim obstruunt, inflammant, et quod saepius obseruavi, ab usu emplastrorum mercurialium, bubones longe frequentius indurantur magis, quam ut emolli-tionem expectatam obseruare possis. Euiluit itaque hodie emplastrorum usus fere omnis, horumque loco potius vnguenta adhibentur, supra et infra bubonem illinenda, ut faciliior resorptio.



Quae dicenda supersunt, de usu imprimis mercurialium ad varios morbos sanandos, de modo agendi in corpus humanum, de usu eius polychresto, variisque adhibendi formis, ea omnia proxima tradam occasione.



GLASGOW
UNIVERSITY
LIBRARY

GLASGOW
UNIVERSITY
LIBRARY